

मर्कूसकी टिवु लेन ल्यामु

दी थेपकी कोर्ला

दी कोन्छ्योककी लेन ल्यामुला मर्कूसकी “दी ति कोन्छ्योककी सेवु येशू ख्रीष्टकी कोर्ला लेन ल्यामु यिन।” सिनी टिनी वे। दी लेन ल्यामुला येशूकी क्या नङ्गुप लाका ताङ ओङ्ज्येनकी कोर्ला टिनी वे। खो ओङ्ज्येन थोपुप मी यिन सिरुप ताम्डे ति खोकी लाका नेसुर राङ हाक्कोकिवी। खोकी येन्देन नङ्गुप ताङ डेतिवा थेन्दुप ताङ मीतिवी दिक्पा पङ्गुप पेला “ङ मीतिवाला दिक्पा ने ज्होकुपला डरा मिजी तेरुपला वावु कोन्छ्योककी पुज्युङ यिन।” सिनी सुङ वे।

दी थेपला मर्कूसकी येशूकी नङ्गुप टोङ्गु ताङ येन्देनला सिनाङ खोकी क्या नङ्गुप लाकाकी कोर्ला मङ ल्यामु क्यानी टिनी वे। मर्कूसकी बप्तिस्मा तेरुप यूहन्ना ताङ येशूकी बप्तिस्मा लासिमा खो शैतानकी खोक्पा ल्हापला ख्येलुप कोर्ला चेयी सिक्पासिमा शाक्येक येशूकी नेर्पुला टेक च्यितुप ताङ येन्देन तेरुपला लाका क्यावु कोर्ला सिक्पा वे। तुजे ख्योयी डोप पेला खोकी लोमातिवी खोकी कोर्ला मङ ल्यामु हाक्कोवु छाल्सुङ। यिने खोकी तेन्दोकला लङ्गुपतिवी खोला मङ डला जोसुङ। दी थेपकी तिङ्माला येशूकी मिजीकी तिङ्मी दिन्जा ताङ खक्छ्येवुला खो ग्यङ्गिङला टुङ्गुप ताङ येलुङ खो डोसु लावु कोर्ला टिनी वे।

मुला राङ वोतुप लोप्च्येनतिवा

- लेन ल्यामु ख्याप्ताक कितुप गो चुवु १:१-१३
- येशूकी गालीलला क्या नङ्गुप लाकातिवा १:१४-६:५०
- येशू गालील नेज्युन यरूशलेम सेक फेपुप १०:१-५२
- यरूशलेमला ख्योवु तिङ्मी दिन्जा ११:१-१५:४७
- येशू टुङ्गुप ने डोसु लावु १६:१-८
- खो डोसु लासिमा छ्येरुप ताङ देवाच्येन नेवा फेपुप १६:६-२०

बप्तिस्मा तेरुप यूहन्नाकी लाम टडिक क्यावु

(मत्ती ३:१-१२; लूका ३:१-१८;
यूहन्ना १:१६-२८)

१ कोन्छ्योककी सेवु येशू ख्रीष्टकी लेन ल्यामु ति दुक क्यानी गो चुसुड। २ कोन्छ्योककी लुङ्तेम्बा यशैयाकी टिवु कोन्छ्योककी सुड नाङ्ला,

“ल्होसा, ड डे लेन क्योलुप मीला ख्योरे गोमाला तोडियनो।

तीकी ख्योरे लाम टडिक किवितो।

३ दासा पाङ्थेरीला दुक सिनी च्यार देन्दुप वोरु ग्येकितो,

‘चोवो फेपुप लाम टडिक की।

खो फेपुप लाम थेकाड जो।’ ”*

४ तमा बप्तिस्मा तेरुप यूहन्नाकी दासा पाङ्थेरीला वानी मीतिवाला दिक्पा ने थर्वा ड्येतुपकी थोकला दिक्पा ने सेम ग्युरुप बप्तिस्माकी कोर्ला ख्याप्टाक क्यासुड। ५ तमा यहूदिया लुङ्बा ताङ यरूशलेमकी मीतिवा तेरी तीकी चाला गल्नी खोरो दिक्पा क्यावु यिन सिनी ती नेसुर यर्दन चङ्बुला बप्तिस्मा लासुड। ६ यूहन्नाकी ति सेम्ज्येन वोङ्मी पु नेसुर जोवु मज्या कोन्नोक, तीकी केल्लाडला ति क्वाकी करा च्यिङ्गिनोक, तमा च्युच्यु पे ताङ टाराङ सेनोक। ७ तमा तीकी दुक सिनी ख्याप्टाक क्यासुड,

“ड सिनाड ओड छ्ये वोतुप ति डे तिङ्ला फेक्कितो। ड याङ कुक क्यानी खोकी शप्चेकी ज्हाम्डोक डोलुप साङ पोमु मेङ्गिगी। ८ डे ख्यिराडला छ्यु थ्वोनी बप्तिस्मा बिनिन, यिने खोकी ख्यिराडला कोन्छ्योककी थु चाङ्मा नेसुर बप्तिस्मा नङ्गितो।”



येशूकी बप्तिस्मा लावु

(मत्ती ३:१३-४:११;

लूका ३:२१-२२; ४:१-१३)

९ ती पेला येशू गालीलकी नासरत ने फेप्नी यर्दन चङ्बुला यूहन्ना नेसुर बप्तिस्मा लासुड। १० येशू छ्यी नाङ ने पाङ्ला थेन्दुप पेला शाक्येक देवाच्येन सेङ्गुप ताङ कोन्छ्योककी थु चाङ्मा गम्देर दोके क्यानी खोरो खला पापुप ति खोकी थोङ्सुड। ११ तमा देवाच्येन नेमा दुका वोरु यी ग्यप्सुड, “ख्युरुड डे ड्यिङ्ज्येवु पुज्युड यिन। ड ख्योरो मुला छासे गा वे।”

शैतानकी येशूला खोकपा ल्हावु

१२ तमा शाक्येक कोन्छ्योककी थु चाङ्माकी येशूला दासा पाङ्थेरीला ताङ्सुड। १३ येशू डियमा खल ड्यी सेक ते ज्युसुड। तमा शैतानकी खोला खोकपा ल्हासुड। खो रितकतिवी मुला ज्युसुड। ती पेला देवाच्येनकी लेन क्योलुप थुतिवी खोला शब्ज्यी पुलसुड।

येशूकी लेन ल्यामु ख्याप्टाक कया नङ्गुप

(मती ४:१२-२२;

लूका ४:१४-१५; ५:१-११)

१४ यहून्ना चोन्खाडला शोर्सिमा येशू गालील लुड्बाला फेप्नी कोन्छ्योककी लेन ल्यामु ख्याप्टाक कया नाङ्सुड। १५ खोकी मीतिवाला सुङ्सुड, “कोन्छ्योककी तुजे छे सिन वे, खोकी ग्येल्खाप चिप्ला वा वे। ख्यिराड दिक्पा ने सेम ग्युर्नी खोकी लेन ल्यामुला तेपा की।”

येशूकी थल्माला लोमा मिरा ज्यीला पेतुप

१६ डियम्जियक येशू गालीलकी ग्येम्छो गारी ने फेप्सालेन्सिन सिमोन ताड तीकी नुप अन्द्रियास ति ग्येम्छोला ड्या जिम्बुपला जाल क्युरिन वोतुप थोङ्सुड, च्यिलासिसिन तिवा ति ड्या जिम्बुप मी यिनोक। १७ तमा येशूकी तिवाला “डे तिङ्ला

तिङ्यो। ड ख्यिराडला ड्या जिम्बुप मिन, मीतिवा जिम्बुप मी जोयिनो।” सिनी सुङ्सुड। १८ ती थोसिमा तिवा शाक्येक ड्या जिम्बुप जालतिवा क्युर ज्याक्नी येशूकी तिङ्ला तिङ्यासुड।

१९ तेसुर येशू फेचेक फेपुप पेला जब्दियाकी पुज्युड याकूब ताड तीकी नुप यहून्ना ति टी नाङ्ला देनी जाल ल्हेन्दा ग्यकिन वोतुप थोङ्नी २० खोकी शाक्येक तिवाला कताङ्सुड। तमा तिवा खोप्रे पपा जब्दियाला ति लावातिवी मुला टुला क्युर ज्याक्नी शाक्येक येशूकी तिङ्ला तिङ्यासुड।

येशूकी डे ग्यपुप मीला टेक च्यितुप

(लूका ४:३१-३७)

२१ येशू खोरो लोमातिवी मुला कफर्नहुम ग्येसाला फेप्सुड। तमा डासोप डियमाला खो यहूदी छ्योखाडला फेप्नी मीतिवाला येन्देन नाङ्सुड। २२ खोकी येन्देन थोनी ते वोतुप मीतिवा हलेवा क्यासुड, च्यिलासिसिन खोकी येन्देन ति यहूदी छ्योकी गेकेनतिवी क्यावु दोके मिन, यिने खोरे ओङ्ज्येन नेमा राड नाङ्नोक। २३ ती पेला यहूदी छ्योखाड नाङ्ला डेकी कुलुप मी यी नोक। तीकी ति च्यार देनिन सिरा सिक्कासुड, २४ “ओ नासरतकी येशू, ख्युरुड ड्यिराडला काड कितुप छोलुप यिन? काड ख्युरुड ड्यिराडला ना तोङ्गुपला फेवु यिन? ख्युरुड सु यिन सिनी डला छ्या वे, ख्युरुड कोन्छ्योककी तङ्गुप

मी टेङ्बु यिन।” २५तमा येशूकी ती डेला वोरु तेन्नी सुङ्सुङ, “ख्युरुङ खरक्पा देनी ती मी नाङ नेसुर थेन ग्युक!” २६खोकी तुक सुङ्लुङ्मे ती डे ति ती मीला छासे ज्हुक च्यिनी च्यार ग्येर्पु यी देनिन सिरा पाङ्ला थेन गाल। २७ती थोङ्सिमा मी तेरी हलेवा लानी, “ओए! दी काङ यिन? दी याङ ओङ छ्येवु येन्देन सम्बा के नोक। दी मी तीकी खोरो ओङ्ज्येन नेमा डेतिवाला क नङ्सिमा तिवी ती कला ड्येन्गिनोक।” सिनी सिक्पासुङ। २८तमा येशूकी क्या नङ्गुप लाकाकी लेन ति शाक्येक गालील लुङ्बाकी छो ज्यीला टाम्सुङ।

येशूकी मी बडीला टेक च्यितुप

(मती ८:१४-१७; लूका ४:३८-४१)

२९तमा येशू यहूदी छ्योखाङ नेसुर थेन्नी शाक्येक याकूब ताङ यूहन्ना मुला सिमोन ताङ अन्द्रियासकी खाङ्बा फेप्सुङ। ३०ती पेला सिमोनकी यिवी ति छा ग्यप्नी ड्यिलोकनोक। तमा तिवी तीकी कोर्ला येशूला सिक्पासुङ। ३१दी थोसिमा येशू तीकी चाला फेप्नी तीकी लाक्पाला जिम्नी येर लाङ्सुङ। लाङ्सिमा तीकी छा टेक्नी तीकी खोतिवाला शब्ज्यी पुल्सुङ।

३२ती गोमु डियमा गासिमा मीतिवी नेर्पु ताङ डे ग्यपुप मीतिवाला येशूकी चाला टि लेसुङ। ३३तमा ग्येसाकी मी तेरी खो ज्युवु खाङ्बी गे चाला जोम्सुङ। ३४येशूकी नेजु नम्बा बडी

वोतुप नेर्पुतिवाला टेक च्यिसुङ। तमा खोकी मीतिवी नाङ नेमा डेतिवा बडी तेन्सुङ। यिने येशूकी डेतिवाला ताम्डे लप माच्यी, च्यिलासिसिन येशू सु यिन सिरुप ति तिवाला छ्या नोक।

येशूकी कुसुमी दासाला मोपोर

क्या नङ्गुप

(लूका ४:४२-४४)

३५तेसुर येशू टोपला टेताङ लानी कुसुमी दासाला फेप्नी ते राङ मोपोर क्यासुङ। ३६ती पेला सिमोन ताङ तीकी मुला वोतुपतिवा येशूला छोलिन नोक। ३७तिवी येशूला ठेसिमा, “मी तेरीकी गेकेनला छोलिन नोक।” सिनी सिक्पासुङ। ३८येशूकी तिवाला सुङ्सुङ, “दाक्पु चाला वोतुप यम्बा युल युलला डोप। ते साङ ड ख्याप्ताक कितिन, च्यिलासिसिन ड दी लाका कितुप थोक्ला राङ वावु यिन।” ३९तेसुर खो तेरी गालील लुङ्बा ताङ यहूदी छ्योखाङतिवाला फेप्नी ख्याप्ताक कितुप ताङ डेतिवाला तेन्सुङ।

येशूकी जे ग्यपुप मीला टेक च्यितुप

(मती ८:१-४; लूका ५:१२-१६)

४०ती पेला जे ग्यपुप मी मिरा च्यिक येशूकी चाला वानी पुमुङ सला चुनी दुक सिनी गोङ्बा शुसुङ, “गेकेनकी नो वोसिन डला टेक ज्यि थुप्किवी।” ४१तमा खोकी तीला ड्यिङ्ज्ये लानी छ्याक क्याङ्नी तीला रेक्नी दुक

सुइसुड, “डला नो वे, ख्युरुड टेक्शी।”
 ४२खोकी तुक सुइलुड्मे ती मी ति
 जे ग्यपुप नेजु नेसुर टेक्सुड। ४३तमा
 येशूकी तीला क छ्येम्बु नाइनी दुक
 सिनी ताइसुड, ४४“ल्होसा, सुला साड
 काड ताम्डे मालाप। त गल्नी ख्योरो
 जु कोइयारला छ्या तेन, तमा ख्योरे
 जु टेकुप कोर्ला मोशाकी क बिन्दुप
 दोके जिन्बा पुलनी मीतिवाला पड्बु
 बिन।” ४५यिने ती मी ति पाइला गल्नी
 ती तेरी ताम्डे टाम्सुड। तुक क्यानी येशू
 मी मिङ्गाला ग्येसाला फेप माथुप्नी
 कुसुमी दासाला ज्युसुड। यिन्सिनाड
 मीतिवा छो ज्यी नेसुर खोकी चाला
 लेसुड।

लाक्पा काइबा शोरुप मीला येशूकी टेक च्यितुप

(मत्ती ९:१-८; लूका ५:१७-२६)

२ डिमया चेयी ज्युकला येशू येलुड
 कफर्नहुम ग्येसाला फेप्सुड।
 तमा खो खाइबा यी नाइला ज्यु
 वोतुप थोनी २मीतिवा ती खाइबा ति
 खटेक जोम्नी खाइबी फिला नाइला
 काइबा ज्योकुप दासा साड माच्युड।
 तमा तोजो पेला येशूकी तिवाला
 कोन्छ्योककी सुड ख्याप्टाक कियी
 नोक। ३ती पेला लाक्पा काइबा
 शोरुप मी यीला मिरा ज्यीकी खुर्नी
 ते लेसुड। ४ते मी मड्मु वोतुप तप्की
 तिवी ती मी तीला येशूकी चाला खुन
 डो माथुप। तमा तिवी येशू ज्यु वोतुप
 खाइबी फी ने केला टापा जेन गल्नी

ती खाइबी थोक लोकनी ती लाक्पा
 काइबा शोरुप मीला सप्तेन ताड डके
 येशूकी चिप्ला पाप्सुड। ५तिवी तेपा
 थोइनी येशूकी ती लाक्पा काइबा
 शोरुप मी तीला सुइसुड, “पुज्यो!
 ख्योरो दिक्पातिवा तासुड।”

६दी थोनी ते वोतुप यहूदी छ्योकी
 गेकेनतिवी खोप्ने सेमला दुक सिनी
 नासाम ताइनोक, ७“च्यिला दी
 मी तीकी दुका ताम्डे कि ताड?
 दीकी याड कोन्छ्योकला के मारे
 तोड्गिनोक। कोन्छ्योक मिसिन
 सी दिक्पातिवा ता ज्यि थुप्किवी?”
 ८येशूकी तिवी सेमला दुके नासाम
 तड्गुप ति शाक्येक हाक्कोनी
 तिवाला सुइसुड, “ख्यिरा च्यिला
 दुका नासाम तोड्गिगी? ९दी
 लाक्पा काइबा शोरुप मीला ‘ख्योरो
 दिक्पातिवा तासुड।’ सिरुप ताड
 ‘ख्योरो सप्तेन खुर्नी ग्युक।’ सिरुप
 ताम्डे नाड ने चुका ति जोल्हमु
 यिनाड? १०यिने ड मी पुज्युडला
 जम्बुलिडला दिक्पा ता ज्यितुप ओड
 वे सिरुप ति ड ख्यिराडला हाक्को
 ज्यितिन।” तमा येशूकी ती लाक्पा
 काइबा शोरुप मीला सुइसुड,
 ११“ड ख्युरुडला सिरिन, ख्युरुड
 खोक लानी ख्योरो सप्तेनतिवा
 खुर्नी खाइबा ग्युक।” १२खोकी
 तुक सुइलुड्मे ती लाक्पा काइबा
 शोरुप मी ति खोक लानी शाक्येक
 तेरी मीतिवी थोइदाडला खोरो
 सप्तेन खुर्नी गाल्सुड। तमा ते वोतुप

मीतिवा तेरी छासे हलेवा क्यानी,
“दुका लाका याड डियरा नाम्साड
माथोड!” सिनी कोन्छ्योकला सोवा
तेक्सुड।

येशूकी लेवीला कतङ्गुप

(मत्ती ९:९-१३; लूका ५:२७-३२)

१३ ती ज्युक्ला येशू येलुड ग्येम्छोकी
गारीला फेप्सुड। ते मी बडी खोकी
चाला जोम्सालेन्सिन खोकी तिवाला
येन्देन नाइसुड। १४ तमा तेसुर येशू
फेप्सालेन्सिन अल्फयसकी पुज्युड
लेवी ति से दुतुप लेखुडला देतुप
थोङ्नी खोकी तीला “ख्युरुड डे
तिङ्ला तिङ्यो।” सिनी सुइसुड। तमा
ती लेवी ति खोक लानी खोकी तिङ्ला
तिङ्यासुड।

१५ ती ज्युक्ला येशू लेवीकी खाड्बा
सोल शेवुला ज्युसालेन्सिन ते से
दुतुप मीतिवा ताड दिक्छेनतिवा खो
ताड खोकी लोमातिवी मुला देनी
समा सयिन नोक, च्यिलासिसिन
ते खोला तिङ्योकुपतिवा बडी
नोक। १६ ती पेला खो दिक्छेनतिवा
ताड से दुतुपतिवी मुला सोल शेयी
वोतुप थोङ्नी फरिसी छोकपाकी
यहूदी छ्योकी गेकेनतिवी खोकी
लोमातिवाला टिसुड, “तीकी च्यिला
से दुतुपतिवा ताड दिक्छेनतिवी
मुला देनी समा सोवु यिन?” १७ दी
थोनी येशूकी तिवाला सुइसुड, “नेजु
मेतुपतिवाला ति आम्ज्यी मोगोवी,
यिने नेर्पुतिवाला याड गोकिवी। ड ति

खुरुड राड मी टेड्बु यिन सिरुपतिवी
थोक्ला मिन, खुरुड दिक्छेन यिन
सिरुपतिवाला कतोङ्गुपला वावु
यिन।”

इयुङ्ने ज्हुङ्गुपकी कोर्ला येशूकी टि नङ्गुप

(मत्ती ९:१४-१७; लूका ५:३३-३६)

१८ ती पेला यूहन्नाकी लोमातिवा
ताड फरिसीतिवा इयुङ्ने ज्हुङ्गिनोक।
तमा ललाइ मीतिवा वानी येशूला
टिसुड, “यूहन्नाकी लोमातिवा ताड
फरिसीतिवी लोमातिवा ति इयुङ्ने
ज्हुङ्गिनोक, यिने ख्योरो लोमातिवा
च्यिला इयुङ्ने मुज्हुङ्गिगी?” १९ दी
थोनी येशूकी तिवाला सुइसुड, “काड
जेन्दीकी मीतिवा माक्पा ताड मुला
वोता सेक इयुङ्ने ज्हुड थुप्किवी रो?
माक्पा तिवी मुला देता सेक तिवा
इयुङ्ने ज्हुड मुथुपी। २० यिने माक्पाला
ठोनी डोप डियमा गिगी, ती पेला
तिवा इयुङ्ने ज्हुङ्गिगी।”

२१ “सी साड मज्या डियङ्बाला
लहेन्दा सम्बा मग्यकिवी। ग्यप्सिन ती
लहेन्दा सम्बा तीकी मज्या डियङ्बाला
ति गोमी सिनाड मड रल ज्यिकिगी।
२२ येलुड सी साड क्वाकी ग्यिवु
डियङ्बी नाइला गुन्डुम छ्याड सम्बा
मुलुकिगी। लुक्सिन ती क्वा ग्यिवु
डियङ्बाला रल्नी छ्याड ताड ग्यिवु
डियकर ना डिगी। तुक क्यानी छ्याड
सम्बा ति क्वा ग्यिवु सम्बाला राड
लुक गोकिगी।”

डासोप डियमाकी चोवो

(मत्ती १२:१-८; लूका ६:१-५)

२३ डासोप डियमाला येशू ताड खोकी लोमातिवा टे शिड ख नेवा क्यानी फेपिन कितुप पेला लोमातिवी टे डियमा थुसुड। २४ ती थोड्नी फरिसीतिवी येशूला “लहो ताड, डासोप डियमाला कितुप मेङ्गुप लाका तिवी च्यिला क्यावु यिन?” सिनी सिक्कासुड। २५ तमा येशूकी तिवाला सुड्सुड, “ग्येल्बु दाऊद ताड तीकी मुला वोतुपतिवा साप समा मेनी लहोवा लावु पेला काड क्यासुड सिरुप ति स्थिरा मारा? २६ अबियाथार तेरी सिनाड कोड्यार छ्ये वोतुप पेला दाऊदकी कोन्छ्योकला सोवा देकुप खाड्बी नाड्ला शुनी कोड्यारतिवी मिसिन यम्बा सी साड साप मेङ्गुप कोन्छ्योकला पुलुप शुब्ज्याड सोनी तीकी मुला वोतुपतिवाला साड माबिन रो?” २७ तमा लोड खोकी तिवाला सुड्सुड, “डासोप डियमा ति मी थोक्ला जोवु यिन, मी ति डासोपकी डियमी थोक्ला जोवु मिन। २८ तुक क्यानी ड मी पुज्युड ति डासोप डियमाकी साड चोवो राड यिन।”

येशूकी लाक्पा कम्बुप मीला टेक च्यितुप

(मत्ती १२:६-१४; लूका ६:६-११)

३ येलुड येशू यहूदी छ्योखाडला फेपुप पेला ते लाक्पा च्यिक

कम्बु ठोक गलुप मी यी नोक। २ते वोतुप मीतिवा ललाइकी खोला क्येन तेरुप नोनी डासोप डियमाला खोकी ती मी तीला टेक ज्यिकिते यिन्दे सिनी चिवा क्यानी देसुड। ३ येशूकी ती लाक्पा कम्बु ठोक गलुप मी तीला “मी तेरीकी दोड्ला लो।” सिनी सुड्सुड। ४ तमा खोकी तिवाला “डासोप डियमाला लाका ल्यामु कितुप टेके यिनाड की, मेलोक्पा कितुप टेके यिन? तमा मिजी थर ज्यितुप टेके यिनाड की, सेतुप टेके यिन?” सिनी टिसुड। यिने तिवा खरक्पा सोके देसुड। ५ येशू डियर्मु लानी तिवा तेरीला ल्हासुड। तमा तिवी सेम क्योड्बु वोतुप थोड्नी छासे सेम्दुक लानी ती लाक्पा कम्बु ठोक गलुप मीला “ख्योरे लाक्पा क्योड।” सिनी सुड्सुड। तमा तीकी लाक्पा क्याड्सुड, क्याडिसमा तीकी लाक्पा टेकसुड। ६ ती ज्युक्ला फरिसीतिवा पाड्ला गल्नी हेरोदी छ्योक्पाकी मीतिवी मुला येशूला चुक क्यानी सेतुप सिनी खोप्पाड पर्ला केवल क्यासुड।

मी माड्छ्योककी येशूला तिड्यावु

७ तेसुर येशू खोरे लोमातिवी मुला ग्येम्छो गारीला फेप्सालेन्सिन गालील लुड्बा नेसुर मी माड्छ्योक खोकी तिड्ला तिड्यासुड। ८ ती पेला यहूदिया ताड यरूशलेम ताड इदुमिआ ताड यर्दनकी फर्केन नेसुर ताड दुरोस ताड सीदोनकी गारी गुरी नेमा साड

मी माङ्छ्योक येशूकी क्यावु हलेवु लाकाकी कोर्ला थोनी खोकी चाला लेसुड। ६मी माङ्छ्योककी खोरुडला मेटेप्शी सिनी येशूकी लोमातिवाला खोरो थोक्ला टुच्चिक टडिक कि सिनी सुङ्सुड। १०च्यिलासिसिन खोकी मी मङ्मुला टेक च्यितुप तप्की नेर्पुतिवा तेरी खोला रेक्शी सिनी खोकी चाला सुर्तुम ग्यकिन नोक। ११तमा डेतिवी येशूला चो पेला थोङ्गिगवे, ती पेला राड तिवा खोकी चाला खवुतुङ्मा देनी, “ख्युरुड कोन्छ्योककी सेवु यिन।” सिनी चार ग्यप्सुड। १२यिने खोकी तिवाला खोरुड सु यिन सिरुप ति मासिर सिनी क छ्येम्बु नाङ्सुड।

येशूकी लोमा च्यिङ्डी चिवु

(मती १०:१-४; लूका ६:१२-१६)

१३ती ज्युक्ला येशू रीला फेप्नी खोकी नोवाला वोतुपतिवाला खोकी चाला कताङ्सुड, तमा तिवा खोकी चाला वासुड। १४खोकी तिवा नाड ने मिरा च्यिङ्डी पेनी तिवाला लोमा छ्ये सिनी चिसुड। १५खोकी दुक क्यावु तेन्दोक ति तिवा खोकी मुला देतुप ताड खोकी तिवाला ख्याप्टाक कितुप तोङ्गुप ताड तिवाला डेतिवा थेन्दुप ओड तेरुपला यिन। १६खोकी चिवु मिरा च्यिङ्डी नाङ्ला चिक ति सिमोन यिन। तीला ति खोकी पत्रुस सिनी मिड तासुड। १७तमा जब्दियाकी पुज्युड याकूब ताड तीकी नुप यूहन्ना यिन। तिवाला ति खोकी बोअनर्गेश

सिनी मिड तासुड। बोअनर्गेशकी तेन्दोक ति ‘डुककी पुज्युडतिवा’ यिन। १८तमा अन्द्रियास ताड फिलिप ताड बारथोलोमाइ ताड मत्ती ताड थोमा ताड अल्फयसकी पुज्युड याकूब ताड थेदियस ताड कनानकी मी सिमोन ताड १९यहूदा इस्करियोत यिन। ती यहूदा इस्करियोत ति येशूला जिम्नी तेरुप मी यिन।

येशू ताड बालजिबुल

(मती १२:२२-३२; लूका ११:१४-२३; १२:१०)

२०तमा येशू खाङ्बा यीला फेप्सुड, ते येलुड मी मङ्मु जोम्बुप तप्की खो ताड खोकी लोमातिवाला समा सलुड साड माच्युड। २१ती ताम्डे थोनी खोकी मिछाडतिवा खोला टि डोपला लेसुड, च्यिलासिसिन मीतिवी “खोकी सेम थिला मिन्दुक।” सिनी सिकयानोक।

२२तमा यरूशलेम ने वावु यहूदी छ्योकी गेकेनतिवी “येशूला डेतिवी ग्येल्बु बालजिबुल ग्यम्नोक, तमा ती बालजिबुलकी ओड नेसुर राड तीकी डेतिवा देन्गिनोक।” सिनी सिकयासुड। २३ती थोनी येशूकी तिवाला खोरो चाला कताङ्नी पे नेसुर दुक सुङ्सुड, “चुक क्यानी शैतानकी शैतानला थेन थुप्किवी रो? २४दोजो ग्येल्खाप च्यिककी नाङ्गी मीतिवा खोप्राड पर्ला ख्ये पेसुड सिसिन ती ग्येल्खाप ति लु मुथुपी। २५येलुड खाङ्बा च्यिककी नाङ्गी मीतिवा

खोप्राड पर्ला ख्ये पेसुड सिसिन ती खाड्बा ति लु मुथुपी। ^{२६}तमा शैतान खुरुड राड ख्ये पेसुड सिसिन ती ति लु मुथुप्नी ना डिवी। ^{२७}गोमाला मी रम्बुला कोड माकिन्दा सेकला सी साड ती मीकी खाड्बी नाड्ला शुनी तीकी च्यालक कुन डो मुथुपी। तीला कोड किन्सिमा तिराड तीकी खाड्बी च्यालक कुनी डो थुप्किवी। ^{२८}ड ख्यिराडला टेड्बो सिरिन, मीतिवी क्यावु तेरी दिक्पातिवा ताड मारे तोङ्गुप ताम्डेतिवा ति माफ ड्येकिवी, ^{२९}यिने सी साड कोन्छ्योककी थु चाड्माला मारे ताडिसन तीला ति नाम्साड माफ मेड्येवी, तमा तीला नरी दिक्पाकी क्येन लुकिवी।” ^{३०}येशूकी दी पे सुङ्गुप ति तिवी “खोला डेकी कुलुप यिन।” सिनी सिक्कावु तप्की यिन।

येशूकी आमा ताड नुपतिवा

(मत्ती १२:४६-५०; लूका ८:१९-२१)

^{३१}ती पेला येशूकी आमा ताड नुपतिवा वानी पाड्ला देनी मी च्यिक खोला कतोड ताड्सुड। ^{३२}तमा मी मड्मु येशूकी गारी गुरीला देनी खोला दुक सिक्कासुड, “ल्हो ताड, गेकेनकी आमा ताड नुपतिवा पाड्ला गेकेनला ठेतुपला छोलिन नोक।” ^{३३}तमा येशूकी तिवाला टिसुड, “सु डे आमा ताड डे नुपतिवा यिन?” ^{३४}तमा खोकी खोरे गारी गुरीला देन वोतुपतिवाला ल्हानी सुड्सुड, “ल्हो ताड, डे आमा

ताड डे नुपतिवा ति दिवा राड यिन। ^{३५}सी कोन्छ्योककी नोवा दोके किवे, तिवा राड डे नुप ताड नुम ताड आमा यिनो।”

सेन देपुप पे

(मत्ती १३:१-२३; लूका ८:४-१५)

४ येलुड येशूकी ग्येम्छो गारीला सुड लाप नाड्सुड। ते मी मड्मु खोकी चाला जोम्बुप तप्की खो टुला जेनी ती टी नाड्ला ज्युनी ग्येम्छो नेवा फेचेक फेप्सुड। ती पेला मीतिवा तेरी ग्येम्छो गारीकी स कम्बुला देन्नोक। ^२तमा खोकी तिवाला पे नेसुर सुड मड्मु लाप नाड्सुड। खोकी तिवाला दुक सुड्सुड, ^३“ड्येना! सेन देपुप मी यी सेन देपुपला पाड्ला थेन्सुड। ^४तीकी सेन देप्सालेन्सिन ललाइ सेन ति लामला ख्येल्सुड, तमा च्यच्युमतिवा वानी ती सेन ति थुनी सोसुड। ^५ललाइ सेन ति थला अला मेटुप दोप्पोक खला ख्येल्सुड, तमा ते थला अला मेटुप तप्की ती सेन ति डमु राड क्येसुड। ^६यिन्सिनाड ड्रियमा शर्सिमा ती ति ड्रियमी छिक्सुड, तमा तीकी मर मेटुप तप्की रेर्पा गल्नी काम्सुड। ^७ललाइ सेन ति छेर्माड दोड्बी पर्ला ख्येल्सुड। तमा छेर्माड दोड्बु ग्या वानी तीला सेप्नी डुमा ग्यक माथुप। ^८ललाइ सेन ति स ल्यामुला ख्येल्सुड। तमा ती ति क्येनी ग्यासिमा ललाइला दोम्बा खल सुम ताड ललाइला दोम्बा खाल दुक ताड ललाइला दोम्बा सयी डुमा

ग्यप्सुड।” ६तमा येशूकी सुड्सुड,
“सी ति ड्येन्दुप नमज्योक नोके, तीकी
ड्येन्शी।”

येशूकी ती पेकी तेन्दोक सुड्गुप

१० ती ज्युक्ला येशू च्यिक राड ज्यु
वोतुप पेला खोकी सुड थोवु मीतिवा
ति लोमा च्यिङ्डीतिवी मुला खोकी
चाला वानी ती पेकी तेन्दोक ति काड
यिन सिनी टिसुड। ११ तमा खोकी
तिवाला सुड्सुड, “ख्यिराडला ति
कोन्छ्योककी ग्येल्खापकी छ्याककी
ताम्डे बिन वे। यिने कोन्छ्योककी
ग्येल्खापकी मी मिन्दुपतिवाला ति
तेरी ताम्डे पतिवा नेसुर राड लप्किवी।
१२ ती ति ‘तिवी ल्हाप याड ल्हेवी, यिने
मोथोङ्गिगी। थोवु याड थोकिवी, यिने
हाक्मोकोवी। तुक कयानी तिवी सेम
ग्युनी दिक्पा ने माफ ड्ये मिज्यिवुला
यिन।’ ”*

१३ लोड येशूकी तिवाला सुड्सुड,
“काड ख्यिरा दी पेकी तेन्दोक
हाक्मोकोसिन चुक कयानी तेरी पतिवा
हाक्कोकिवी रो? १४ सेन देपुप मी ति
कोन्छ्योककी सुड ख्याप्टाक कितुप
यिन। १५ तमा लामला ख्येलुप सेन ति
दुका मीतिवा दोके यिन। तिवाला
कोन्छ्योककी सुड ख्याप्टाक कितुप
पेला तिवी थोवु ति थोसुड, यिने
शैतान शाक्येक वानी तीकी थोवु सुड
ति ठोनी डिवी। १६ तमा दोप्पोक खला

ख्येलुप सेन ति दुका मीतिवा दोके
यिन। तिवी सुड थोसिमा शाक्येक गा
लानी ती सुड ति सेमला लिङ्गिगी।
१७ यिने ती सुड ति तिवी सेमगी
दिङ्गला माज्यकुप तप्की चेयी पर सेक
तिराड लुकिवी, सुङ्गी थोक्ला कले
ताड छेटाड ख्येल वासिन शाक्येक
तेपा क्युनी ज्योकिवी। १८ लोड
छेमाड दोङ्बी पर्ला ख्येलुप सेन ति
दुका मीतिवा दोके यिन। तिवी सुड
ड्येन्गिगी, १९ यिने जम्बुलिङ्की पप
ताड टोङ्बाकी नासाम ताड यम्बा
ताम्डेकी देर्पाकी ती सुडला क्येक्नी
डेलु मोगोर्वी। २० यिने स ल्यामुला
ख्येलुप सेन ति दुका मीतिवा दोके
यिन। तीकी सुड थोनी सेमला ज्याक्नी
ललाइला दोम्बा खल सुम ताड
ललाइला दोम्बा खाल टुक ताड
ललाइला दोम्बा सयी डुमा ग्यकिवी।”

दिप्लीकी पे

(लूका ८:१६-१८)

२१ तमा येशूकी तिवाला सुड्सुड,
“सी दिप्ली च्येनी शोमकी वोक्ला
याङ्ना ठीकी वोक्ला ज्योकिवी
रो? काड ती ति च्योक्की खला
मोज्योकिवी रो? २२ काड बानी
ज्याक्वे, ती ति थोङ्गिगी। तमा काड
छ्याकला ज्याक्वे, ती ति ठछ्येलीला
छ्या देन्गिगी। २३ सी ति ड्येन्दुप
नामज्योक नोके, तीकी ड्येन्शी।”

२४ तमा खोकी सुइसुड, “स्थिरा थोवु ताम्डे ति ल्यामु क्यानी सेमला ज्योक। स्थिरा चुका ताप्के नेसुर मी यम्बाला ताप्नी तेर्किवे, ती ताप्के नेमा राड कोन्छ्योककी स्थिराडला ताप्नी नडिगतो, तमा मड ल्हक्पा नडिगतो। २५ सी लोला नोके, तीला मड ल्हक्पा थोप्कितो। तमा सी लोला मेवे, तीकी लोला वोतुप तिड ठोकितो।”

सेन ग्यावु पे

२६ येलुड येशूकी सुइसुड, “कोन्छ्योककी ग्येल्खाप ति मी मिरा च्यिककी शिड खला तपुप सेन दोके यिन। २७ ती मी ति नुपला डियलोकुप ताड डियमी गुडला लङ्गुप पेला ती सेन ति क्येनी ग्येर्पु गल्सिनाड चुक क्यानी तुकै च्युङ्गुप यिन सिरुप ति ती ति हाक्मोकोवी। २८ सेन तप्सिमा थला ने राड डुमा ग्यकिवी। गोमाला सेन क्येकिवी, ती ज्युक्ला च्यङ्बा थेन्गिवी, तमा तिङ्गला डियमा थेन्सिमा तीला डुमा ग्यकिवी। २९ डियमा छोसिमा शाक्येक तीला डकिवी, च्यिलासिसिन तीला डकुप पेला लेप्सुड।”

राय छेर्माडकी सेनकी पे

(मती १३:३१-३२, ३४;

लूका १३:१८-१९)

३० येलुड येशूकी सुइसुड, “कोन्छ्योककी ग्येल्खाप ति दाक्पु काड ताड मुला डिकिवी? तीला चुका


पे नेसुर शेत्तुप? ३१ ती ति राय छेर्माडकी सेन दोके यिन। ती सला देपुप पेला तेरी सेन सिनाड ठेमे यिन। ३२ यिने तप्सिमा ती ति क्येनी ग्याकिवी, तमा तेरी डोछेलतिवा सिनाड दोड्बु ग्येर्पु गल्नी तीकी येल्काला नामगी च्यच्युमतिवी छाड जेवी।”

३३ येशूकी तिवी हाक्कोवा सेक तिवाला पे बडी नेसुर सुड लाप नाइसुड। ३४ खोकी तिवाला पे नेसुर मिसिन काड मासुड, यिने खो खोरे लोमातिवी मुला कुतुक ज्युवु पेला ती तेरी पेतिवी तेन्दोक ति सुङ्गिनोक।

येशूकी लुड छ्यर्वाला कुसुमी दे च्यितुप

(मती ८:२३-२७; लूका ८:२२-२४)

३५ ती छेर्मु सोज्हिपला येशूकी खोरो लोमातिवाला “दाक्पु ग्येम्छो फर्केन डोप।” सिनी सुइसुड। ३६ तमा लोमातिवी मी मङ्मुला क्युर ज्याक्नी येशू ज्यु वोतुप टुला जेनी खोकी मुला राड ग्येम्छो फर्केन डोप छाल्सुड। ती पेला यम्बा टुतिवा साड खोतिवी मुला राड गाल। ३७ तमा ते शाक्येक लुड छ्यर्वा ग्येर्पु ग्यप्सुड। तमा छ्यी बालाप ल्हानी टी नाङ्गला शुनी टु ति क्येङ्गुप छाल्सुड। ३८ तोजो पेला येशू ति टुकी तिङ्गला डाटी ग्यप्नी ड्यी गाल्नोक। तमा लोमातिवी खोला लोडियन सिरा “गेकेन, डियराड नुम्नी शेप छलुप ति गेकेनला पप मलङ्गनोक?” सिनी सिक्पासुड। ३९ तमा येशू लानी



लुङ छ्यर्वाला वोरु तेन्नी ग्येम्छोकी छयी बालापला “कुसुमी दे! च्यपी दे!” सिनी सुङ्सुङ। तुक सुङ्लुङ्मे लुङ छ्यर्वा छ्येनी टाकटुक कुसुमी गाल। ४०तमा येशूकी लोमातिवाला सुङ्सुङ, “ख्यिराङ च्यिला दुका ज्यिवा किवी? ख्यिरा डला तरोड साङ तेपा मिकिवी?” ४१तमा तिवा ज्यिवा कियी हलेवा क्यानी खोप्राङ पर्ला दुक सिक्क्यासुङ, “खो चुका परकी मी यिन? लुङ छ्यर्वा ताङ छयी बालापकी साङ खोकी कला ड्येन्गिनोक।”

येशूकी डेकी कुलुप मीला टेक च्यितुप

(मत्ती ८:२८-३४; लूका ८:२६-३६)

५ तेसुर येशू खोरो लोमातिवी मुला ग्येम्छो फर्केन गेरासेनसकी लुङ्बाला फेप्सुङ। २येशू टु नेसुर थेन्दुप पेला डेकी कुलुप मी यी शेष मीला ज्योकुप टककी फुककी पर नेमा वानी खोला ठेसुङ। ३ती मी ति नरी शेष मीला ज्योकुप टककी फुककी परला देकिनोक। तमा सी साङ तीला च्यातककी साङ टाक

मुथुप्नोक। ४ च्यिलासिसिन थेङ्मा बडी तीकी लाक्पा ताङ काङ्बाला च्यातककी टानी ज्याक्सिनाङ तीकी ती च्यातकला तुम्बुर तुम्बुर ताङ्नी च्येकिनोक। तीला खोरो ओङला ज्योक थुपुप मी रम्बु सु साङ मिन्दुक। ५ ती ति इयी ताङ नुज्या नरी शेष मीला ज्योकुप टककी फुक परला ताङ पम्दोकला देनी च्यार ग्यकुप ताङ दो थ्वोनी खोरो जुला म देन्गिनोक।

६ तीकी येशूला थाक्किङ्बु नेसुर थोङ्नी छ्योङ्बाल ग्यकिन वानी खोकी शापला पुमुङ सला चुसुङ, ७ तमा थोर ग्यप्नी, “ओ तेरी सिनाङ चोछयेवु कोन्छ्योककी सेवु येशू, ख्योरे ति डे मुला काङ तम्जी वे? डला दुक्पा मातेर सिनी कोन्छ्योकला न क्योल।” सिनी सिक्यासुङ। ८ तीकी तुक सिक्यावु ति गोमाला के येशूकी तीला “ख्युरुङ दी मीकी नाङ नेसुर पाङ्गला थेन!” सिनी क नङ्गुप तप्की यिन। ९ तमा येशूकी तीला “ख्योरो मिङ काङ यिन?” सिनी टिसुङ। तीकी “डे मिङ ति मक्मी यिन, च्यिलासिसिन झियराङ मङ्मु वोतुप तप्की यिन।” सिनी सिक्यासुङ। १० तुक सिक्यासिमा तीकी येशूला “झियराङला दी लुङ्बा नेसुर तेन्नी मातोङ।” सिनी छासे गोङ्बा शुसुङ।

११ ती पेला ते रीकी बुक्योकला फाक्पा मङ्मु चोयी नोक। १२ ती डेतिवी येशूला “झियराङला फाक्पातिवी पर्ला ताङ्नी तिवी नाङ्गला शुक् च्यी।” सिनी

गोङ्बा शुसुङ। १३ येशूकी तिवाला दुक् कि च्यिसिमा डेतिवा ती मी नाङ नेसुर थेन्नी फाक्पातिवी नाङ्गला शुसुङ। तमा फाक्पा तोङ्गडा इयी चोयी रीकी चा नेमा ग्येम्छोकी थाकाला छ्योङ्बाल ग्यकिन गल्नी ग्येम्छोला लुम्नी शिसुङ।

१४ तेसुर फाक्पा चोपतिवा टोन गल्नी ग्येसा ताङ युलकी मीतिवाला ती ताम्डे शेषुङ। ती थोनी मीतिवा ते काङ च्युङ्गनोक सिनी ल्हापला लेसुङ। १५ तिवा येशूकी चाला लेप्नी ती मङ्मु डेकी कुलुप मी ति टेन्बा इयेनी मज्या कोन देतुप थोङ्गसुङ, तमा तिवा ज्यिवा क्यसुङ। १६ गोमा नेज्युन ते च्युङ्गुप ताम्डे थोङ्गुप मीतिवी ते वावु मीतिवाला डेकी कुलुप मी ताङ फाक्पातिवाला काङ च्युङ्गनोक सिनी लाप्सुङ। १७ तमा तिवी येशूला “झियरा युल नेसुर फेप।” सिनी गोङ्बा शुसुङ।

१८ येशू टी नाङ्गला जेकुप पेला गोमाला डेकी कुलुप मी तीकी खोला “ड साङ ख्योरे मुला राङ डो च्यी।” सिनी गोङ्बा शुसुङ। १९ यिने येशूकी तीला खोरो मुला वुङ माच्यिनी, “त ख्युरुङ ख्योरो खाङ्बा गल्नी ख्योरो मिछाडतिवाला चोवो कोन्छ्योककी ख्युरुङला चुका कटिन नङ्नी ख्योरो थोक्ला काङ क्य नङ्गुप ति लोप।” सिनी सुङ्सुङ। २० तेसुर ती मी ति डिकापोलिस ग्येसाला गल्नी येशूकी खोरो थोक्ला क्य नङ्गुप ताम्डे सिक्यासुङ। तमा मीतिवा तेरी हलेवा क्यसुङ।

याइरसकी पुम ताड ठक थेन्दुप नेजु वोतुप पुम्पेजा

(मत्ती ९:१८-२६; लूका ८:४०-४६)

२१ तेसुर येशू टुला जेनी येलुड ग्येम्छो फर्केन फेप्सिमा ते मी मड्मु खोकी चाला जोम्सुड। खो ग्येम्छो चाला ज्युसालेन्सिन २२ यहूदी छ्योखाडकी मी छ्ये नाड ने याइरस सिरुप मी ति ते वासुड। तमा तीकी येशूला ठेनी पुमुड सला चुनी खोला २३ “डे पुम टिकपे ति च्येती नानी वे। गेकेन फेप्नी तीकी गोला छ्याक ज्याकनी तीला टेक च्यी, तमा ती ति मिशिवी।” सिनी गोड्बा शुसुड।

२४ तमा येशू ती ताड मुला फेप्सालेन्सिन मी मड्मु खोकी तिङ्ला पुसुम ग्यकिन तिङ्यासुड। २५ ती पेला मी मड्मी पर्ला लो च्यिङ्डी सेक ठक थेन्दुप नेजु वोतुप पुम्पेजा यी नोक। २६ ती पुम्पेजा तीकी बडी आम्ज्यीतिवी मुला मेन कयानी दुक्पा ड्येनी खोरो मुला वोतुप तेरी नोर सिन्दा क्यासिनाड खोरो नेजु ति माटेकनी मड मेलोकपा गाल्नोक। २७ ती पुम्पेजा तीकी येशूकी कोर्ला थोनी मी मड्मी पर ने येशूकी ग्यप्ला वानी खोकी नम्साला रेक्सुड। २८ च्यिलासिसिन तीकी “येशूकी नम्साला तिराड रेक्सिनाड डे नेजु ति टेकिवी।” सिनी नासाम ताङ्नोक। २९ तमा तीकी रेक्लुड्मे ठक थेन्दुप ति छ्येनी खोरो नेजु टेकुप ति हाक्कोसुड। ३० ती पेला येशूकी शाक्येक खोरो

जु नेसुर ओड थेन्दुप ति हाक्कोनी फिल्दुड्मा ग्युर्नी मी मड्मुतिवाला “सी डे मज्याला रेक्सुड?” सिनी टिसुड। ३१ तमा लोमातिवी येशूला सिक्यासुड, “मी मड्मुकी गेकेनला चुप्नी पुसुम ग्यपुप याड गेकेनला राड छ्या वे, यिन्सिनाड ‘सी डला रेक्सुड?’ सिनी टि नडिगवी?” ३२ यिने येशूकी खुरुडला रेकुप तीला ल्हापला फार छुर ल्हासुड। ३३ ती पुम्पेजा तीकी येशूकी नम्साला रेक्सिमा खोरो ज़ु टेकुप हाक्कोनी ज्यिवा लानी ज़हुकिन सिरा खोकी चाला वासुड। तमा येशूकी दोङ्ला पुमुड सला चुनी तेरी ताम्डे टेड्बु लाप्सुड। ३४ तमा येशूकी तीला सुड्सुड, “पुमो, ख्योरो डला तेपा क्यावु तप्की ख्युरुड टेक्सुड। लोदिमु कयानी ग्युक। तमा तफेन्ला ख्युरुड नाम्साड दुक्पाला मेख्येलिशिता।”

३५ येशूकी दी ताम्डे सुडियन वोतुप पेला यहूदी छ्योखाडकी मी छ्ये याइरसकी खाड्बा नेसुर मीतिवा वानी याइरसला “अच्यो, ख्योरो पुम याड शिसुड। त गेकेनला च्यिला मड होप्प्यल शिवी?” सिनी सिक्यासुड। ३६ येशूकी तिवी ताम्डे थोसिनाड ड्याम माकयानी याइरसला सुड्सुड, “ज्यिवा माक्यावा कयानी तेपा तिराड की।” ३७ तेसुर येशूकी खोरो लोमातिवी नाड ने पत्रुस ताड याकूब ताड याकूबकी नुप यूहन्नाला मिसिन यम्बा सुला साड खोरे तिङ्ला तिङ्योक

माच्यी। ^{३८}खोतिवा याइरसकी खाइबा लेप्सालेन्सिन ते मीतिवा डोप ताड डुप्राड कितुप ताड हराड हुरुड कियी वोतुप येशूकी थोड्सुड। ^{३९}तमा येशू खाइबी नाइला शुनी तिवाला सुड्सुड, “ख्यिराड च्यिला दुका डोप ताड डुप्राड किवी? दी पुम याड शेप मिन, यिने डियलोकनी वे।” ^{४०}ती ताम्डे थोनी तेकी मीतिवी खोला मर्च्या क्यासुड। यिने खोकी खाइबी नाइला वोतुप मी तेरीला पाइला तेन ताइनी ती पुमकी पपाआमा ताड खोरो लोमा सुम तिराड टिनी ती पुम ज्यकुप दासा नाइला फेप्सुड। ^{४१}तमा येशूकी ती पुमकी लाकपाला जिम्नी सुड्सुड, “तालिता कूमी!” (दीकी तेन्दोक ति “पुमो, ड ख्युरुडला सिरिन, खोक लो!” सिनी सिक्यावु यिन।) ^{४२}खोकी तुक सुड्लुड्मे ती पुम ति टडी लानी फला छुला युकुप छाल्सुड। ती पुम ति लो च्यिड्डी ति नोक। दी थोइनी मीतिवा तेरी हलेवा क्यासुड। ^{४३}येशूकी ते वोतुप मीतिवाला दी ताम्डे ति मी यम्बा सुला साड मासिर सिनी क छयेम्बु नाइसुड, तमा पुमला ति समा बिन सिनी तिवाला योक कुसुड।

**येशूला रडगी युलकी मीतिवी
सेमला मालावु**

(मत्ती १३:५३-५८; लूका ४:१६-३०)

६ तेसुर येशू खोरे लोमातिवी मुला
खोरे युल नासरतला फेप्सुड।

^२डासोप डियमाला खो यहूदी छ्योखाडला फेप्नी येन्देन नाइसुड। ते मी मड्मुकी खोकी येन्देन थोनी हलेवा क्यासुड। तमा तिवी “दी मी तीकी दुका ताम्डेतिवा कनी नेसुर लापुप यिनाड? दी मीला वोतुप रिक्पा ति चुका पारकी यिन? दीकी चुक क्यानी दुका हलेवु लाका क्यावु यिनाड? ^३काड दी याड मरियमकी पुज्युड शिड्जो ति मिन रो? दी मी ति याकूब ताड योसेफ ताड यहूदा ताड सिमोनकी अच्यु मिन? तमा दीकी नुमतिवा दे दाक्पी मुला मे रो?” सियी खोला सेमला माला। ^४तमा येशूकी तिवाला सुड्सुड, “कोन्छ्योककी लुइतेम्बातिवाला दासा यम्बाला ताइदेन किवी, यिने रडगी युलकी छेइगाछाली ताड रडगी खाइबी मीतिवी तिराड तिवाला ताइदेन मिकिवी।” ^५ते खोकी नेर्पु ललाइला तिराड छ्याक ज्याकनी टेक ज्यितुप ति मिसिन यम्बा हलेवु लाका काड साड कि माथुप्नोक। ^६तिवी तेपा माक्यावु थोइनी खो हलेवा क्यासुड।

**येशूकी लोमा च्यिड्डीला
ख्याप्टाक कितुपला तड्गुप**

(मत्ती १०:५-१५; लूका ९:१-६)

तमा येशू युल युलला फेप्नी येन्देन नाइसुड। ^७ती पेला खोकी लोमा च्यिड्यीतिवाला खोरो चाला कताइनी तिवाला मिरा ड्यी ड्यी क्यानी डे

शोरुप ओड नङ्नी ताङ्सुड। ८खोकी तिवाला तोङ्गुप पेला दुक सुङ्नी क नाङ्सुड, “खिराड लामला डोप पेला पेर्का च्यिक मिसिन ज्येन काड साड माखुर। ग्यावी साड गिवु साड नम्डोक नाङ्ला टङ्गा साड माखुर। ९काचा कोन, यिने ज्येन पोयप कितुप मज्या माखुर।” १०तमा येलुड खोकी तिवाला सुङ्सुड, “दोजो खिराड खाङ्बा यीला देसिन यम्बा युलला डोप पर सेक ते राड देता। ११चुका युलला खिराडला शासा मेतेर्वे, याङ्ना खिरा सिक्कावु ताम्डे मेङ्येन्सिन ती खाङ्बा नेसुर थेन डोप पेला तिवी खिरा तेन्दोकला लावु पङ्बुकी थोक्ला खिरे काङ्बी थला ज्हु बिन।”

१२तमा तिवा गल्नी मीतिवाला दिक्पा ने सेम ग्युर्नी कोन्छ्योकला तेपा की सिनी ख्याप्ताक क्यासुड। १३तिवी डेतिवा बडी थेन्दुप ताड नुम कुनी नेर्पु मङ्मुला टेक च्यिसुड।

बप्तिस्मा तेरुप यूहन्नाला सेतुप

(मत्ती १४:१-१२; लूका ९:७-९)

१४ती पेला येशूकी मिड ति युल तेरीला फेल्सुड। ती ताम्डे ति ग्येल्बु हेरोदकी थोनोक। मी ललाइकी “बप्तिस्मा तेरुप यूहन्ना शेष ने सेन्बु लासुड, तुक क्यानी ती मी तीकी दी ओड छ्येवु लाका क्यावु यिन्जु।” सिनी सिक्कासुड। १५तमा ललाइकी “ती ति एलिया यिन।” सिनी

सिक्कासुड। लोड ललाइकी “ती ति गोमी कोन्छ्योककी लुङ्तेम्बातिवा दोके मिरा च्यिक यिन।” सिनी सिक्कासुड। १६यिने मीतिवी दुक सिक्कावु ति हेरोदकी थोनी, “दी याड डे ज्यिङ्बा च्ये च्यितुप यूहन्ना यिन। ती ति शेष ने सेन्बु लासुड!” सिनी सिक्कासुड।

१७गोमाला हेरोदकी यूहन्नाला जिम्नी चोन्खाडला उप्नोक। च्यिलासिसिन हेरोदकी खोरो नुप फिलिपकी पेर्मी ति खोरो पेर्मी जोनी ज्याक्सुड। १८ती पेला यूहन्नाकी हेरोदला “ख्योरो नुपकी पेर्मी ति ख्योरो पेर्मीला ज्योकुप ति मेङ्गिगी।” सिनी सिक्कानोक। १९तमा हेरोदियासकी यूहन्नाला ड्यिर्मु लानी तीला सेतुप छल्सिनाड से माथुप। २०च्यिलासिसिन हेरोदकी यूहन्ना ति क्येन मेतुप मी टेङ्बु यिन्दुप हाक्कोनी ज्यिवा क्यानी तीला ज्होक्नी ज्याक्सुड। यूहन्नाकी सिक्कावु ताम्डे थोनी हेरोदकी सेम छासे सेम्दुक लासिनाड तीकी ताम्डे गा क्यानी ड्येन्सुड।

२१तमा हेरोदियासला च्यु यी ड्येसुड। हेरोदकी खुरुड क्येवु तुछ्येनकी डेनला खोरो लुङ्बाकी मी छ्येतिवा ताड मक्मी छ्येतिवा ताड गालीलकी मी छ्येतिवा कताङ्नोक। २२ती डेनला हेरोदियासकी पुम ति नाङ्ला वानी छ्यम्नी हेरोद ताड डेन्बुतिवाला गा लाङ्सुड। तमा ग्येल्बी ती पुम्पेजाला “ख्युरुडला

काड लोङ्गुप नो वे, ती ति डला लोड।” सिनी सिक्यासुड। ^{२३}येलुड तीकी न क्यल्नी, “ख्योरो डला काड लाङ्सनाड ड तेरिन। ग्येल्खाप फेका यी लाङ्सनाड ड तेरिन।” सिनी थाक्छ्येसुड। ^{२४}तेसुर ती पुम्पेजा ति पाङ्गला गल्नी खोरो आमाला “ड काड लोङ्गुप?” सिनी टिसुड। तमा आमा तीकी तीला “बप्तिस्मा तेरुप यूहन्नाकी गो लोड।” सिनी सिक्यासुड। ^{२५}तमा ती पुम्पेजा ति शाक्येक ग्येल्वी चाला वानी, “बप्तिस्मा तेरुप यूहन्नाकी गो ति देर्माड नाङ्गला ज्याक्नी तन्दा डला नाड।” सिनी सिक्यासुड। ^{२६}ग्येल्वु ति छासे सेम्दुक लासिनाड डेन्बुतिवी मिङ्गाला न क्यलुप तप्की ती पुम्पेजाकी लङ्गुप ति मेतेर सिनी सि माथुप। ^{२७}तुक कयानी ग्येल्वी शाक्येक खोरुडला ज्हिन्दुप मक्मी च्यिकला चोन्खाडला तङ्नी ते वोतुप यूहन्नाकी ज्यिङ्बा च्येनी तीकी गो ति खुर शोक सिनी क बिन्सुड। ती मक्मी ति चोन्खाडला गल्नी यूहन्नाकी ज्यिङ्बा च्येनी ^{२८}तीकी गो ति देर्माड नाङ्गला खुन वानी ती पुम्पेजा तीला बिन्सुड। तमा तीकी ती गो ति खोरो आमाला बिन्सुड। ^{२९}ती ताम्डे थोसिमा यूहन्नाकी लोमातिवा वानी तीकी फुङ्बु ति खुर्नी शेष मीला ज्योकुप टककी फुकला मुक्तुम ग्यप्सुड।


येशूकी मी तोङ्गडा डला समा नङ्गुप

(मत्ती १४:१३-२१; लूका ९:१०-१७;

यूहन्ना ६:१-१४)

^{३०}येशूकी तङ्गुप लोमा छ्येतिवा येशूकी चाला लोड वानी खोप्रे क्यावु लाका ताड लापुप ताम्डे ति तेरी खोला शेसुड। ^{३१}तमा येशूकी तिवाला सुङ्सुड, “त ख्यिराड डे मुला कुसुमी दासाला गल्नी दाक्पु चेयी डासोप।” च्यिलासिसिन ते मी मङ्मु फार ताड छुर डोसालेन्सिन खोतिवाला समा सलुड साड मिन्दुक। ^{३२}तुक कयानी खोतिवा तेसुर टुला जेनी कुसुमी दासाला गाल्सुड। ^{३३}यिने मी मङ्मुकी खोतिवा फेपुप थोङ्सिमा खोतिवाला डो शेनी युल बडी नेसुर टिम्बु टिम्बु युनी खोतिवा सिनाड गोमाला ते लेप्सुड। ^{३४}तमा येशू टु नेमा थेन्नी मी मङ्मुला ल्हासालेन्सिन तिवा गोठाला मेतुप लुक दोके नोक नोनी तिवाला च्यम्बा लानी येन्देन बडी नाङ्सुड।

^{३५}नाम ल्होवु तप्की लोमातिवा खोकी चाला वानी, “दी ति दासा पाङ्थेरी यिन। त याड नाम साड ल्होसुड। ^{३६}मीतिवा चाला वोतुप दासा ताड युलला ताङ्नी दाक दाक्पी थोक्ला समा ड्योनी स च्यी।” सिनी सिक्यासुड। ^{३७}येशूकी तिवाला “ख्यिरा राड तिवाला साप समा बिन।” सिनी सुङ्सुड। तमा तिवा खोला “ड्यिराड गल्नी डुलकी डप्बु



सयी इयीकी† शुब्ज्याड इयोनी तिवाला तेरुप?” सिनी सिक्यासुड। ३८खोकी सुड्सुड, “खिरा मुला शुब्ज्याड चो वे? गल्नी ल्हो ताड।” तमा तिवी छल्नी सिक्यासुड, “शुब्ज्याड ड ताड इया इयी नोक।” ३९तमा येशूकी लोमातिवाला “तेरी मीतिवाला च डोर्मी खला छो छो क्यानी दे च्यी।” सिनी क नाड्सुड। ४०तमा तिवा सयी च्यिक च्यिक ताड खाल ड ड क्यानी छो जोनी देसुड। ४१खोकी शुब्ज्याड ड ताड इया इयी लकला लानी देवाच्येनला ल्हानी कोन्छ्योकला थुचिछे पुल्सिमा शुब्ज्याड ति च्याकनी मीतिवाला बिन सिनी लोमातिवाला नाड्सुड। लोड खोकी इया इयी साड तिवा तेरीला गोनी तेर च्यिसुड। ४२ते वोतुप मीतिवा तेरीकी डाता सेक सोसुड। ४३सोसिमा साड ल्हकुप शुब्ज्याड ताड इयातिवी पुर्मा रुनी तोलुम च्यिड्डी नाड्ला क्येड्सुड। ४४ती पेला ते शुब्ज्याड साप ख्योकपेजातिवा ति तोड्डा ड नोक।

येशू छयी खला युनी फेवु

(मत्ती १४:२२-३६; यूहन्ना ६:१५-२१)

४५ती ज्युक्ला येशूकी खोरो लोमातिवाला शाक्येक टुला जेनी खोरुड सिनाड गोमाला फर्केन बेथसेदाला डो च्यिसुड, तमा ते वोतुप मी माड्छ्योकला ति तेसुर दाक दाकपी दासाला ताड्सुड। ४६तिवाला ताड्सिमा खो मोपोर कितुपला पम्दोकला फेप्सुड।

४७ती छेर्मु सोह्निपला लोमातिवा जेवु टु ति ग्येम्छो पर्ला नोक, येशू ति च्यिक राड ग्येम्छो गारीकी स कम्बुला ज्युनोक। ४८ती पेला ते ग्येम्छोला लुड कशेन ग्यप्नी लोमातिवाला टु तोड्गुप कले च्युड्गुप ति येशूकी थोड्सुड। तमा खो टेताड ग्येम्छो ख नेसुर युनी तिवा वोतुप टुकी चा नेसुर क्योक क्यानी फेपिन नोक। ४९तिवी खो ग्येम्छो ख नेसुर युकुप थोड्नी ज्हेन्डी यिन्दे नोनी च्यार ग्यप्सुड। ५०च्यिलासिसिन खोला थोड्नी तिवा ज्यिवा क्यानोक। यिने खोकी तिवाला शाक्येक “डाडेड की, ड राड यिन। ज्यिवा माकी।” सिनी सुड्सुड। ५१तमा खो तिवा वोतुप टुला जेसिमा लुड ति छयाक्सुड। ती थोड्नी लोमातिवा छासे हलेवा क्यासुड। ५२च्यिलासिसिन खोकी मी तोड्डा डला शुब्ज्याड नड्गुप हलेवु लाका

६:३७ डुलकी डप्बु च्यिक ति मी मिरा च्यिककी ड्रियम्ज्यिक लाका क्यावु ल यिन।

ति वुतुड के हाक्माकोनी तिवी सेम
क्योड्बु गाल।

येशूकी गनेसरेतला नेर्पु टेक च्यितुप

५३ येशू लोमातिवी मुला ग्येम्छो
शानी गनेसरेत युलला लेप्सिमा टु ति
ग्येम्छोकी गारीला तानी ज्याक्सुड।
५४ खोतिवा टु नेसुर थेन्दुप पेला
मीतिवी येशूला डो शेनी ५५ छ्योड्बाल
ग्यकिन तेरी युल युलला गल्नी नेर्पुतिवा
डोलीला ज्याक्नी खो ज्युवु दासाला
खुर्नी लेसुड। ५६ तमा खो युल ताड
ग्येसा ताड कनी कनी फेप्सिनाड तेकी
मीतिवी मी नेर्पुतिवाला हाला ज्याक्नी
खोकी नम्सी गारीला यिन्सिनाड
रेकुप ड्ये च्यी सिनी गोड्बा शुसुड।
तमा खोकी नम्सी गारीला रेकुपतिवा
तेरीकी खोप्रे नेजु ति टेक्सुड।

चेङ्गा ताड मेचेङ्गाकी कोर्ला येशूकी सुङ्गुप (मत्ती १५:१-६)

७ ती पेला फरिसीतिवा ताड
यरूशलेम ने वावु यहूदी
छ्योकी गेकेनतिवा ललाइ येशूकी
चाला जोम्नोक। २ तमा तिवी येशूकी
लोमातिवा ललाइकी यहूदी लुकसु
मातेन्नी लाक्पा माटुवा क्यानी
लाक्पा मेचेङ्गा थ्वोनी समा सोवु
ति थोड्सुड। ३ फरिसीतिवा ताड
तेरी यहूदीतिवी ताड्बो डोकी लुकसु
जहुङ्नी खोप्रे लाक्पा माटुवा क्यानी
समा मसानोक। ४ येल्ड हाट ने लोकनी

वासिमा खोप्रे जु माटुवा क्यानी समा
मसानोक। तिवी यम्बा लुकसुतिवा
साड बडी नोक, ती ति कइ ताड लोटा
ताड काँसाकी तिप्लीतिवा माटुवा
क्यानी मोथोक्नोक।

५ तेसुर फरिसीतिवा ताड यहूदी
छ्योकी गेकेनतिवी येशूला टिसुड,
“ख्योरे लोमातिवी च्यिला ताड्बो
डोकी लुकसु मातेन्नी लाक्पा मेचेङ्गा
थ्वोनी समा सोवुजा?” ६ खोकी
तिवाला सुङ्सुड,

“ख्यिराड खोनक्पुतिवी कोर्ला
कोन्छ्योककी लुङ्तेम्बा
यशैयाकी दुक सिनी ल्यामो
क्यानी टि वे,

‘मीतिवी डला खला तिराड
ताड्देन किवी,
यिने तिवी सेमला ति डला ड्याम
मिकिनोक।

७ तिवी डला तेर्मला सोवा देकिवी,
च्यिलासिसिन तिवी मी जोवु
येन्देनला डे क दोके क्यानी
मीतिवाला लोप्किनोक।’

८ ख्यिराड कोन्छ्योककी क ति
क्युर्नी मीतिवी लुकसु तेन्गिनोक।”

९ लोड खोकी तिवाला सुङ्सुड,
“ख्यिराड ख्यिरा लुकसु तेन्दुपला
कोन्छ्योककी क ति जोल्हमु क्यानी
क्युर्नी ज्योकिनोक। १० तोड्ला
मोशाकी ‘ख्योरे पपाआमाला ताड्देन
की।’ सिनी सिक्का वे। तमा ‘सी
पपा याङ्ना आमाला मारे तोङ्गिगे,
तीला से गोकिवी।’ सिनी सिक्का

वे। ११यिने ख्यिरा याङ मीतिवाला दुक सिनी लोप्किनोक, दोजो मी ललाइकी खोरो पपा याङ्ना आमाला ‘डे ख्यिराङला कि गोवु शब्ज्यी ति कुर्बान यिन।’ सिनी सिक्क्यासिन ती मी तीकी खोरो पपा याङ्ना आमाला शब्ज्यी कि मोगोवी सिनी ख्यिरा सिवी। (ती कुर्बानकी तेन्दोक ति कोन्छ्योकला पुलुप बुल्वा यिन।) १२ख्यिरा दुक सिनी मीतिवाला खोरो पपा याङ्ना आमाला काङ साङ शब्ज्यी कि मिज्यिनोक। १३तुक क्यानी ख्यिरा जोवु लुक्सु तेन्दुपला कोन्छ्योककी सुङला ति तेर्मला जोसुङ। ख्यिरा तुका लाका यम्बा साङ बडी क्या वे।”

१४तमा येशूकी येलुङ मी माङ्छ्योकला खोरो चाला कताङ्नी सुङ्सुङ, “ख्यिराङ तेरीकी डे ताम्डे ड्येन्नी हाक्कोवा किसान। १५पाङ नेसुर मीकी नाङ्ला शुकुप काङगी साङ मीला मेचेङ्गा मोजोवी, यिने मीकी नाङ नेसुर पाङ्ला थेन्दुप तीकी मीला मेचेङ्गा जेवी। १६सी ति ड्येन्दुप नाम्ज्योक नोके, तीकी ड्येन्शी!”

१७तेसुर येशू मी मङ्मुला क्युन ज्याक्नी खाङ्बा यी नाङ्ला फेप्सिमा खोकी लोमातिवी ती पेकी कोर्ला खोला टिसुङ। १८तमा खोकी तिवाला सुङ्सुङ, “काङ ख्यिराङ तरोङ साङ हाक्मोकोवी? काङ पाङ नेसुर ख नेमा मी खोकला डोप समी मीला मेचेङ्गा

मोजोवी सिरुप ति ख्यिराङला छ्या मे? १९ती याङ मी सेमला मिन, यिने खोकला लेप्नी तेसुर पाङ्ला थेन डिवी।” (येशूकी दुक सुङ्गुप ति साप समा तेरी चेङ्गा यिन सिनी सुङ्गुप यिन।) २०लोङ खोकी तिवाला सुङ्सुङ, “काङ मी सेमगी नाङ नेमा पाङ्ला थेन्दुप तीकी मीला मेचेङ्गा जेवी। २१मी सेमगी नाङ नेमा थेन्दुप सेम नक्पुतिवा ति दिवा राङ यिन। छ्येवु छ्येमु कितुप, कुन कितुप, मी सेतुप, शम्डेन कितुप, २२देर्पा कितुप, सेम दुक्टा कितुप, क्येन्दुप, सेम नोजु कितुप, ठतोक कितुप, मारे तोङ्गुप, डराङ यिन सिरुप ताङ अम्बारङिशङ कितुप यिन। २३दी तेरी मेलोकपातिवा सेमगी नाङ नेमा थेन्नी मीला मेचेङ्गा जेवी।”

सिरिया लुङ्बाकी फोनिके नेसुर चावु पुम्पेजा यीकी तेपा

(मत्ती १५:२१-२८)

२४तेसुर येशू टुरोसकी लुङ्बा नेवा फेप्सुङ। तमा खो खाङ्बा यी नाङ्ला शुनी सी साङ हाक्मोकोशी सिनी ते ज्युवु नो क्यासुङ, यिने खो यिप्नी ज्यु माथुप। २५ती पेला डेकी कुलुप पुमकी आमा यीकी येशूकी कोर्ला थोनी ते वानी खोकी शापला शावा क्यासुङ। २६ती पुम्पेजा ति ग्रीककी मी यिनोक, तमा सिरिया लुङ्बाकी फोनिकेला क्येनोक। तीकी येशूला खोरो पुम नेसुर डे थेन नाङ सिनी गोङ्बा

शुसुड। ^{२७}येशूकी तीला सुड्सुड,
 “गोमाला पेजातिवाला डाता सेक स
 च्यि गोकिवी। पेजातिवी शुब्ज्याड
 लानी कीतिवाला तेरुप ल्यामु मिन।”
^{२८}तमा तीकी खोला सिक्यासुड,
 “लसे, चोवो। यिने कीतिवी साड
 च्योकची ख नेमा लुम्बुप पुर्मातिवा
 सेवी।” ^{२९}तमा खोकी सुड्सुड,
 “ख्योरो दुक सिक्यावु तप्की त
 ख्युरुड ख्योरो खाड्बा ग्युक। ख्योरो
 पुमकी नाड नेसुर डे ति थेन्नी गाल।”
^{३०}ती पुम्पेजा ति खोरो खाड्बा गल्नी
 ल्हासालेन्सिन तीकी पुम ति ठीकी
 खला देनी वोतुप थोड्सुड, तमा डे
 ति थेन्नी गल सिन्नोक।

वोन्बा ताड कुवा वोतुप मी यीला येशूकी टेक च्यितुप

^{३१}येलुड येशू टुरोस नेसुर सीदोनला
 फेप्नी तेसुर गालील ग्येम्छो नेसुर
 क्यानी डेकापोलिस ग्येसाला
 फेप्सुड। ^{३२}ती पेला मीतिवी वोन्बा
 ताड कुवा वोतुप मी यी येशूकी
 चाला टि वानी दीकी गोला छ्याक
 ज्याक नाड सिनी गोड्बा शुसुड।
^{३३}तमा येशूकी ती मीला तिराड मी
 मड्मी पर नेसुर फेचेक टि फेप्नी खोरे
 लाक्पी थेप्तोक ति तीकी नाम्ज्योक
 नाड्ला च्यिसुड। ती ज्युकला खोकी
 ती लाक्पी थेप्तोकला च्येमाक कुनी
 ती मीकी च्येलाकला रेक्सुड, ^{३४}तमा
 देवाच्येन ने ल्हयिन सिरा ड्येन्बी
 सोक ताड्नी तीला “इफ्फाता!”

सिनी सुड्सुड। (तीकी तेन्दोक ति
 “पेशी!” सिक्यावु यिन।) ^{३५}खोकी
 तुक सुड्लुड्मे शाक्येक ती मी तीकी
 नाम्ज्योक ति पेनी थोवु गाल, च्येलाक
 साड गुल्नी ताम्डे ल्यामु लप थुपुप
 गल्सुड। ^{३६}तमा येशूकी मीतिवाला
 दी ताम्डे ति सुला साड मालाप सिनी
 क छ्येम्बु नाड्सुड। यिने खोकी चो
 क नडिसनाड मीतिवी खोकी कोर्ला
 मड ताम्डे टाम्सुड। ^{३७}तमा ती ताम्डे
 थोवु मीतिवा छासे हलेवा क्यानी,
 “खोकी तेरी लाका ल्यामु क्यासुड।
 खोकी वोन्बाला साड थोवु ताड
 कुवाला साड ताम्डे ल्यामु लप थुपुप
 जोसुड।” सिनी सिक्यासुड।

येशूकी मी तोड्डा ज्यीला समा नड्गुप

(मत्ती १५:३२-३६)

डियमा चेयी ज्युकला येलुड
 मी मड्मु जोम्सुड, यिने ते
 तिवाला साप समा काड साड
 मिन्दुक। येशूकी लोमातिवाला खोरो
 चिप्ला कताड्नी सुड्सुड, ^२“दी
 मीतिवाला ड डियड्ज्ये लडिगनोक,
 च्यिलासिसिन तिवा ड ताड मुला देनी
 तन्दा डियमा सुम गाल, तमा तिवी
 मुला काड साप समा मे। ^३दोजो डे
 तिवाला ल्होतुड्बा राड खोपे खाड्बा
 ताडिसन लामला ल्होवा लानी टेन्बा
 तोर्किते यिन्दे। च्यिलासिसिन तिवी
 पर्ला थाक्किड्बु नेसुर वावु मीतिवा
 साड वे।” ^४ती थोसिमा लोमातिवी

खोला सिक्यासुड, “दुका दासा पाङ्थेरीला दी मीतिवाला तेरुप समा कनी नेसुर इयेतुप्जा?” ५तमा येशूकी तिवाला “खियरे मुला शुब्ज्याड चो वे?” सिनी टि नाडिसमा तिवी दिन चोके वे सिनी सिक्यासुड। ६खोकी मी मङ्मुला सला दे सिनी क नाङ्सुड। तमा शुब्ज्याड दिन ति लानी कोन्छ्योकला थुचिछे पुलिसमा च्याक्नी मीतिवाला बिन सिनी लोमातिवाला नाङ्सुड। तमा लोमातिवी ती ति गोनी बिन्सुड। ७लोड तिवी मुला इया टिकपे साड चेयी नोक। खोकी तीकी थोकला साड कोन्छ्योकला थुचिछे पुलिसमा मीतिवाला गोबिन सिनी लोमातिवाला नाङ्सुड। ८तमा मीतिवी डाता सेक सोसुड। सोसिमा साड लोमातिवी ल्हकुप पुर्मातिवा रुकसालेन्सिन ती ति तोलुम दिनकी नाङ्ला क्येङ्सुड। ९ती पेला ते साप मीतिवा तोङ्डा ज्यी चोयी नोक। तमा येशूकी मीतिवाला ते नेसुर ताडिसमा १०खो ति शाक्येक खोरे लोमातिवा ताड मुला टुला जेनी दलमनुथा लुड्बाला फेप्सुड।

११ते फरिसीतिवा येशूकी चाला वानी खोला खोकपा ल्हापला देवाच्येन नेमा वुङ्गुप त च्यिक छया तेन सिनी सिक्यासुड। १२तमा खोकी छासे इयेन्बी सोक ताङ्नी सुङ्सुड, “च्यिला दी गिपाकी मीतिवा त छोलगी ताड? ड ख्यिराडला टेङ्बो सिरिन, दी गिपाकी मीतिवी चुका त

साड ल्हाप मेङ्ग्येवी।” १३तेसुर खो तिवाला क्युर ज्याक्नी लोड टुला जेनी ग्येम्छो फर्केन फेप्सुड।

फरिसीतिवी खमीर ताड हेरोदकी खमीर

(मत्ती १६:५-१२)

१४खोतिवा टुला फेपिन कितुप पेला लोमातिवी शुब्ज्याड खुर्नी वुङ्गुप टोक ज्येनोक, तुक कयानी टि नाङ्ला शुब्ज्याड च्यिक तिराड नोक। १५तमा येशूकी तिवाला सुङ्सुड, “ख्यिराड च्याङ्से की। फरिसीतिवी खमीर ताड हेरोदकी खमीर नेसुर कुतुक दे।” १६तिवी खोकी दुक सुङ्गुप ति थोसिमा, “दाक्पी मुला शुब्ज्याड मेतुप तप्की खोकी तुक सुङ्गुप यिन्दे।” सिनी खोप्प्राड पर्ला केवुल कयासुड। १७येशूकी ती हाक्कोनी तिवाला “च्यिला ख्यिराड शुब्ज्याड मेतुपकी कोर्ला ख्यिरा पर्ला केवुल किवी? ख्यिराडला तरोड साड छया मे? ख्यिरा हाक्माको? ख्यिरा सेम कयोङ्बु राड वे? १८ख्यिराड मिक् वोसिनाड मोथोडुनोक? नाम्ज्योक वोसिनाड मोथोनोक? ख्यिराडला टेन्दा मे? १९डे शुब्ज्याड डकी मी तोङ्डा डला च्याक्नी तेरुप पेला ख्यिरा शुब्ज्याडकी पुर्मा तोलुम चो रुवु?” सिनी सुङ्सुड। “तोलुम च्यिङ्डी।” सिनी तिवी सिक्यासुड। २०येलुड येशूकी “शुब्ज्याड दिनकी मी तोङ्डा ज्यीला च्याक्नी तेरुप

पेला ख्यिरा शुब्ज्याडकी पुर्मा तोलुम चो रुवु?” सिनी टि नाड्सुड। तमा तिवी “तोलुम दिन।” सिनी सिक्क्यासुड। २१खोकी तिवाला सुड्सुड, “ख्यिराड तरोड साड हाक्मोकोनोक?”

येशूकी बेथसेदाला मिक् मोथोङ्गुप मीला टेक च्यितुप

२२ती ज्युकला येशू खोरे लोमातिवी मुला बेथसेदाला लेप्सुड। ते मीतिवी मिक् मोथोङ्गुप मी यीला खोकी चाला टि वानी तीला रेक नाड सिनी खोला गोड्बा शुसुड। २३तमा खोकी ती मिक् मोथोङ्गुप मीकी लाक्पाला जिम्नी युल ने पाङ्गला टि फेप्नी तीकी मिक्ला च्येमाक कुनी तीला छ्याक ज्याक्नी, “ख्योरो काड रे च्यिक रे थोङ्गिनोक?” सिनी टि नाड्सुड। २४तमा तीकी फार छुर लहयिन सिरा “मीतिवाला थोङ्गिनोक, यिने तिवा दोङ्बुतिवा दोके थोङ्गिनोक, तमा तिवा फार छुर युकिनोक।” सिनी सिक्क्यासुड। २५येलुड येशूकी तीकी मिक्ला छ्याक ज्याक्सुड। तमा तीकी ल्यामु कयानी ल्हाप छाल्सिमा तीकी मिक् ति येलुड थोड थुपुप गल्नी तेरी च्यालकतिवा ठछ्येली थोङ्गुप गाल्सुड। २६तमा खोकी ती मीला “ख्युरुड ती युलला माडोवा।” सिनी तीला खोरो खाड्बा ताड्सुड।

पत्रुसकी येशूला ख्रीष्ट यिन सिनी सिक्क्यावु

(मत्ती १६:१३-२०; लूका ९:१८-२१)

२७तमा येशू लोमातिवी मुला कैसरिया फिलिप्पी ग्येसाकी गारी गुरीला वोतुप युलतिवाला फेपिन कितुप पेला खोकी लोमातिवाला “मीतिवी डला सु यिन सिनोक?” सिनी टि नाड्सुड। २८तिवी सिक्क्यासुड, “ललाइकी बप्तिस्मा तेरुप यूहन्ना, ललाइकी एलिया, तमा यम्बातिवी कोन्छ्योककी लुड्तेम्बातिवी नाड ने मिरा च्यिक यिन सिनी सिनोक।” २९तमा येशूकी लोमातिवाला टि नाड्सुड, “त ख्यिराड ति डला सु यिन सिनी सिवी?” पत्रुसकी “गेकेन याड ख्रीष्टा यिन।” सिनी सिक्क्यासुड। ३०येशूकी तिवाला खोरो कोर्ला सुला साड मालाप सिनी क छ्येम्बु नाड्सुड।

येशूकी खुरुड छेटाड खुर्नी टुङ्गुप कोर्ला सुङ्गुप

(मत्ती १६:२१-२३; लूका ९:२२)

३१ती ज्युकला येशूकी लोमातिवाला खोरो कोर्ला दुक् सिनी सुङ्गुप छाल्सुड, “ड मी पुज्युडला दुक्पा बडी ड्येकिवी। यहूदी गोमा कितुपतिवा ताड कोङ्ग्यार छ्येतिवा ताड यहूदी छ्योकी गेकेनतिवी डे तेन्दोकला लानी डला सेकिवी। यिने ड्यिमा सुम

८:२६ ख्रीष्ट ति हिब्रू ताम्डेला मसीह यिन।

ज्युक्ला ड शेष ने सेन्बु लडिगवी।”
 ३२खोकी दुक सिनी ती ताम्डे ति तिवा
 तेरीला हाक्कोवा क्यानी सुड्सुड।
 तमा पत्रुसकी खोला फेचेक टि गल्नी
 दुका ताम्डे कितुप मेडिगवी सिनी
 वर्तम क्यासुड। ३३यिने येशू छुर ग्युर्नी
 लोमातिवाला ल्हानी पत्रुसला वोरु
 देनिन सिरा “शैतान, डे चा नेवा ग्युक।
 ख्युरुड कोन्छ्योक नेमा वुङ्गुप
 नासाम मोतोङ्गनोक, मी नासाम तिराड
 तोडिगनोक।” सिनी सुड्सुड।

येशूकी तिङ्गला तिङ्ग्योकुप तेन्दोकला

(मत्ती १६:२४-२८; लूका ६:२३-२७)

३४ती ज्युक्ला येशूकी मी मङ्गुला
 खोरे लोमातिवी मुला खोरो चाला
 कताङ्नी सुड्सुड, “सु डे तिङ्गला
 तिङ्ग्योकुप नो किवे, तीकी खोरो
 नोवातिवा क्युर ज्याक्नी दाक दाक्पी
 ग्यङ्गिङ्ग खुर्नी डे तिङ्गला तिङ्ग्यो।
 ३५सी खोरो मिजी ज्होकुप नो किवे,
 ती ति तोर्नी डिवी। सी ड ताड लेन
 ल्यामुकी थोक्ला खोरो मिजी तोर
 ज्यिकिवे, ती ति ज्होकिवी। ३६मीला
 जम्बुलिङ तेरी ड्येसिनाड खोरो
 मिजी तोर्सिन तीला काड ख्येप्साड
 ड्येकिवी रो? ३७याङ्ना तोरुप
 मिजीकी छापला काड बिन्नी खोरो
 मिजी लोक थुप्किवी? ३८दी शम्डेन
 कितुप ताड दिक्पा वोतुप गिपा नेसुर
 सी ड ताड डे सुडला डोछा किवे,
 ड मी पुज्युड साड चाङ्मा वोतुप

देवाच्येनकी लेन क्येलुप थुतिवी मुला
 डे पपी मोवा थोप्नी वुङ्गुप पेला
 तीला डोछा कितिनी।”

६ येल्ड येशूकी तिवाला सुड्सुड,
 “ड ख्यिराडला टेङ्गबो सिरिन,
 दे लानी देतुपतिवी पर्ला ललाङ्की
 कोन्छ्योककी ग्येल्खाप छासे
 डार क्यानी वावु माथोङ्वा सेक्ला
 मिशिवी।”

येशूकी जुजम ग्युरुप

(मत्ती १७:१-१३; लूका ६:२८-३६)

२तेमी डियमा टुककी तिङ्गला येशूकी
 पत्रुस ताड याकूब ताड यूहन्नाला तिराड
 खोरे मुला टिनी रीला फेप्सुड। तमा ती
 पेला लोमातिवी ल्हयी ल्हयी येशूकी
 जुजम ति ग्युर्सुड। ३खोकी नम्सा ति दी
 जम्बुलिङकी मी सी साड टुनी कर्मु जो
 मथुवु दोके वो ग्यकुप गाल्नोक। ४ती
 पेला एलिया ताड मोशा छ्यर्नी येशू
 ताड मुला ताम्डे क्यावु ति लोमातिवी
 थोङ्सुड। ५ती थोङ्नी पत्रुसकी येशूला
 “गेकेन, दाक्पु दे देतुप ति छासे ल्यामु
 च्युङ्गनोक। ड्यिराड दे गेकेन ताड
 मोशा ताड एलियाकी थोक्ला बर्केड
 रे रे जोप।” सिनी सिक्क्यासुड। ६यिने
 पत्रुसकी काड सिरुप सिनी खोरो
 राड हाक्माको नोक, च्यिलासिसिन
 लोमातिवा छासे ज्यिवा लानोक।
 ७ती पेला राड मुक्पा छुप्नी तिवाला
 उप्सुड। तमा मुक्पी नाड नेमा “दी ति
 डे ड्यिङ्ग्येवु पुज्युड यिन। ख्यिराड
 दीकी ताम्डेला ड्येना।” सिरुप वोरु

यी थेन्सुड। ८तमा शाक्येक लोमातिवी फला छुला ल्हासालेन्सिन येशू मिसिन यम्बा सुला साड माथोड।

९खोतिवा री नेमा पपुप पेला येशूकी तिवाला “ड मी पुज्युड शिनी सेन्बु मालावा सेक्ला ख्यिरा थोङ्गुप ति सुला साड मालापा।” सिनी क छ्येम्बु नाड्सुड। १०तिवी खोकी सुङ्गुप ताम्डे ति सेमला ज्याक्नी, “शिनी सेन्बु लङ्गुपकी तेन्दोक ति काड यिनाड?” सिनी खोप्रे नाङ्ला ताम्डे क्यासुड। ११तमा लोमातिवी येशूला “च्यिला यहूदी छयोकी गेकेनतिवी एलिया गोमाला के वुड गोकिवी सिनी सिवी?” सिनी टिसुड। १२खोकी तिवाला सुङ्सुड, “वुतुड के एलिया गोमाला वानी मीतिवाला कोन्छ्योककी थाकाला ग्युर च्यिनी ख्रीष्टकी थोक्ला टडिक किवी। तुकै यिन्सिन मी पुज्युडकी छेटाड बडी खुर्नी मीतिवी तीला ड्यिङ्मर किवी सिनी कोन्छ्योककी सुडला च्यिला टिवु यिन? १३यिने ड ख्यिराडला सिरिन, एलिया ति वा वे। तमा तीकी कोर्ला टि वोतुप दोके मीतिवी खोरो सेमला काड कितुप नो क्यावे, तुकै राड तीला क्यासुड।”

डेकी कुलुप पेजा टेकुप

(मत्ती १७:१४-२१; लूका ९:३७-४३)

१४येशूतिवा लोमा यम्बातिवी चाला फेप्सालेन्सिन ती लोमातिवा ति मी मङ्मी पर्ला देनी यहूदी छयोकी गेकेनतिवी

मुला केवुल कियी नोक। १५मी मङ्मु तेरीकी येशूला थोङ्लुङ्मे हलेवा क्यानी खोकी चाला छ्योङ्बाल ग्यम वानी खोला छ्याक छाल्सुड। १६तमा खोकी ती लोमातिवाला “ख्यिराड काडगी कोर्ला दिवी मुला केवुल कियी वे?” सिनी टि नाड्सुड। १७मी मङ्मी पर नेसुर मिरा च्यिककी खोला दुक सिनी टिलेन बिन्सुड, “गेकेन, डे पुज्युडला गेकेनकी चाला टि वायिन। तीला ताम्डे लप मुथुपुप डेकी कुल्नोक। १८कनी डेकी तीला कुल्गिवे, ती पेला डेकी तीला सला तल ग्यक ज्यिकिवी। तमा तीकी ख नेमा बोवा थेन्गिनोक, स मुर्किनोक, जु ति च दम डिनोक। तमा डे गेकेनकी लोमातिवाला ती डे ति थेन नाड सिनी सिक्कासिनाड तिवी थेन माथुप।” १९येशूकी सुङ्सुड, “ओ, तेपा मेतुप गिपा! ड ख्यिरा मुला नम सेक देतुप्जा? ड ख्यिराडला नम सेक हम कितुप्जा? ती पेजाला डे चाला टि शोक ताड।” २०तमा तिवी ती पेजा ति येशूकी चाला टि वासुड। ती डे तीकी येशूला थोङ्लुङ्मे शाक्येक ती पेजाला ञ्हुक च्यिसुड। तमा ती पेजा ति सला तला ग्यप्नी ख नेमा बोवा थेनिन सिरा फला छुला गङ्ग्येल क्यासुड। २१येशूकी तीकी पपाला “ती ति नम नेज्युन दुकै गलुप यिन?” सिनी टि नाड्सुड। तीकी “टिक्पे नेज्युन राड यिन। २२डेकी दीला सेतुपला थेङ्मा बडी मे नाङ्ला ताड छयी नाङ्ला क्युर्सुड। गेकेनकी काड कि थुप्सिन ड्यिराडला ड्यिङ्ज्ये

क्यानी दाल्जा किटे की।” सिनी सिक्क्यासुड। ^{२३}तमा येशूकी तीला सुड्सुड, “कि थुप्सिन सिरुप ति काड यिन? तेपा कितुपतिवाला ति तेरी कि थुप्किवी।” ^{२४}ती थोसिमा ती पेजी पपा तीकी वोरु देनिन सिरा “ओ गेकेन, ड तेपा कितिन। डला तेपा मेतुपला दाल्जा किटे की।” सिनी सिक्क्यासुड। ^{२५}येशूकी मी मड्मु सुर्तुम ग्यप्नी खोरो चाला वुड्गुप थोड्सिमा ती डे तीला वोरु तेन्नी, “ओ कुवा ताड वोन्बा जोप डे, ड ख्युरुडला सिरिन, ती पेजी नाड नेमा थेन ग्युक। तफेन्ला तीकी नाड्ला नाम्साड माशुक।” सिनी सुड्सुड। ^{२६}तमा ती डे ति च्यार ग्यकिन सिरा पेजाला छासे ज्हुक च्यिनी ती नेसुर थेन गाल। ती पेजा ति शेष दोके गाल्सुड। तुक क्यानी मी मड्मुतिवी दी पेजा याड शिसुड सिनी सिक्क्यासुड। ^{२७}यिने येशूकी ती पेजाकी लाक्पाला जिम्नी लाडिसमा ती ति लासुड। ^{२८}ती ज्युकला येशू खाड्बी नाड्ला फेप्सिमा लोमातिवी खोला छ्याकला “डियरा च्यिला ती डे ति थेन माथुपुप यिनाड?” सिनी टिसुड। ^{२९}खोकी तिवाला सुड्सुड, “दुका परकी डे ति मोपोर नेसुर तिराड थेन थुप्किवी।”

येशूकी खोरुड टुड्गुप कोर्ला येलुड सुड्गुप

(मत्ती १७:२२-२३; लूका ६:४३-४५)

^{३०}तेसुर खोतिवा गालील लुड्बा नेमा फेप्सालेन्सिन खोतिवा कनी वे सिरुप

ति मी ज्येन सी साड हाक्मोकोशी सिनी येशूकी नो क्यासुड। ^{३१}च्यिलासिसिन खोकी खोरो लोमातिवाला लोपिन नोक। खोकी दुक सिनी लाप्सुड, “मी पुज्युड मीतिवी लकला चेक तेकिवी। तिवी तीला सेकिवी, तमा शेष डियमा सुमकी तिड्ला ती ति सेन्बु लड्गिगी।” ^{३२}यिने खोकी सुड्गुप तेन्दोक ति लोमातिवी हाक्माकोनोक, तमा तीकी कोर्ला खोला टेप साड ज्यिवा क्यासुड।

सु तेरी सिनाड छ्ये यिन?

(मत्ती १८:१-५; १०:४२; लूका ६:४६-५०)

^{३३}खोतिवा कफर्नहुमला फेप्नी खाड्बा यीला ज्यु वोतुप पेला खोकी लोमातिवाला “ख्यिराड लामला काडगी कोर्ला खाँदा क्यावु?” सिनी टिसुड। ^{३४}यिने तिवा खरक्पा देसुड, च्यिलासिसिन तेरी सिनाड सु छ्ये यिन सिनी तिवा लामला च्यिककी च्यिकला खाँदा क्यानोक। ^{३५}येशू ज्युनी लोमा च्यिड्डीतिवाला कताड्नी सुड्सुड, “सु तेरी सिनाड छ्ये डोप नो किवे, तीकी तेरी सिनाड छ्युडा च्युड्नी तेरीला शब्ज्यी कि गोकिवी।” ^{३६}तमा खोकी आडा टिकपे यीला टि फेप्नी तिवी पर्ला ज्याक्सुड। ज्याक्सिमा ती आडाला खोरो पाड्दुर लानी तिवाला सुड्सुड, ^{३७}“सी दी आडा टिकपे यीला डे मिडला गासो शिवे, तीकी डला गासो शिवी। सी डला गासो शिवे, तीकी डला मिन, डला तोड्गुप तीला गासो शिवी।”

दाक्पी तेन्दोकला मालङ्गुप ति दाक्पी छ्योकला गिवी

३८ यूहन्नाकी येशूला सिक्यासुड, “गेकेन, मी यीकी गेकेनकी मिडला डे थेनिन वोतुप ति डियरा थोड्सुड। तमा डियरा तीला कयेकिन, च्यिलासिसिन ती ति दाक्पी तिड्ला तिड्योकुप मी मिनोक।” ३९ यिने येशूकी सुड्सुड, “तीला माग्येक, च्यिलासिसिन डे मिडला हलेवु लाका कितुप तीकी शाक्येक डे तेन्दोकला ताम्डे मेलोकपा मिसिरी। ४० सी दाक्पी तेन्दोकला मालङ्गिगवे, ती ति दाक्पी छ्योकला गिवी। ४१ ड ख्यिराडला टेड्बो सिरिन, सी ख्यिराड ख्रीष्टला तेपा कितुप मी यिन सिनी ख्यिराडला छयु कइ काड थुङ्गुपला तेर्किवे, तीला थोप गोवु छ्यक्तक ति नाम्साड मोतोर्वी।”

यम्बाला दिक्पा कि ज्यितुपकी कोर्ला

(मत्ती १८:६-९; लूका १७:१-२)

४२ “सी डला तेपा कितुप मी छ्युडातिवी पर्ला मिरा च्यिकला दिक्पा कि ज्यिकिवे, तीकी ज्यिड्बाला लाकुर ग्येर्पु रानी ग्येम्छो नाड्ला क्युरुप ति तीकी थोकला ल्यामु यिन। ४३ दोजो ख्योरो लाक्पी ख्युरुडला दिक्पा कि

ज्यिसिन ती लाक्पा ति च्येनी क्युर। लाक्पा ड्यी वोनी नाम्साड मिशिवु मे वोतुप ड्येलाला डोप सिनाड लाक्पा च्यिक राड वोनी देवाच्येनला डोप ल्यामु यिन। ४४ लोड ख्योरो काड्बी ख्युरुडला दिक्पा कि ज्यिसिन ती काड्बा ति च्येनी क्युर। काड्बा ड्यी वोनी ड्येलाला डोप सिनाड बोरु काड्बा च्यिक वोनी देवाच्येनला डोप ति ल्यामु यिन। ४५ लोड ख्योरो मिक्की ख्युरुडला दिक्पा कि ज्यिसिन ती मिक् ति तेन्नी क्युर। मिक् ड्यी वोनी ड्येलाला डोप सिनाड बोरु मिक् च्यिक वोनी देवाच्येनला डोप ति ल्यामु यिन। ४६ ती ड्येलाला याड बु साड मिशिवी, मे साड मिशिवी। ४७ तेरी मीतिवाला छ लुकुप दोके कयानी मे थ्वोनी ग्येम्गिवी। ४८ छ ल्यामु यिन, यिने तीकी टोवा तोर्सुड सिसिन चुक् कयानी तीला छटोक जेवी? ख्यिरा पर्ला छ वोतुप दोके कयानी च्यिककी च्यिकला थिन्नी देता।”

ख्योवा ताड पेर्मी टलुप कोर्ला येशूकी सुङ्गुप

(मत्ती १८:१-१२; लूका १६:१८)

१० तेसुर येशू लानी यहूदिया लुड्बा ताड यर्दन चड्बी फर्केन फेप्सुड। ते येलुड मी मड्मु

६:४३ पद ४४की ताम्डे ति ललइ ग्रीक बाइबलला मे।

६:४५ पद ४६की ताम्डे ति ललइ ग्रीक बाइबलला मे।

खोकी चाला जोम्सुड। तमा खोकी नरी दोके क्यानी तिवाला येन्देन नाइसुड।

२ती पेला फरिसीतिवा खोला खोक्पा ल्हापला खोकी चाला वानी, “ख्योवी खोरो पेर्मी क्युनी ज्योकुप ति ठिमला गिवी ताड मेङ्गिगी?”

सिनी टिसुड। ३तमा खोकी तिवाला टि नाइसुड, “मोशाकी ख्यिराडला काड सिनी क बिन वे?” ४तिवी सिक्यासुड, “टलुप यिकी टिनी खोरो पेर्मीला टल्सिन गिवी सिनी मोशाकी सिक्या वे।” ५यिने येशूकी तिवाला सुइसुड, “ख्यिरा सेम क्योइबु वोतुप तप्की मोशाकी दुका क टिनी बिन्दुप यिन। ६यिने कोन्छ्योककी जम्बुलिङ ज्येङ्गुप थल्मा नेज्युनी खोकी मीतिवाला ख्योकपेजा ताड पुम्पेजा जो नाइसुड। ७तुक क्यानी मीकी खोरो फमाला क्युर ज्याक्नी खोरो पेर्मी ताड मुला थिन्नी देकिवी। ८तमा तिवा इयी ति जु च्यिक राड च्युङ्गिगी। त तिवा इयी मिन, च्यिक राड यिन।* ९तुक क्यानी कोन्छ्योककी डिङ ज्यकुप तीला मीकी डेलुप मेङ्गिगी।”

१०येलुङ खोतिवा खाइबी नाइला वोतुप पेला लोमातिवी खोला ती ताम्डेकी कोर्ला टिसुड। ११तमा खोकी तिवाला सुइसुड, “सी साड खोरो पेर्मी क्युर ज्याक्नी यम्बा पुम्पेजाला जेन्दी क्यासिन तीकी खोरो पेर्मीला शम्डेन क्यावु यिन। १२लोड पेर्मीकी

साड खोरो ख्योवा क्युर ज्याक्नी यम्बा ख्योकपेजा ताड मुला जेन्दी क्यासिन तीकी साड शम्डेन क्यावु यिन।”

येशूकी आडा टिकपेतिवाला मोलाम नङ्गुप

(मत्ती १६:१३-१५; लूका १८:१५-१७)

१३मीतिवी आडा टिकपेतिवा येशूकी चाला टि वानी तिवी खला खोकी छ्याक ज्याक नाड सिनी सिक्यासुड। यिने लोमातिवी तिवाला वोरु तेन्सुड। १४येशूकी ती थोडिसमा ड्रियर्मु क्यानी लोमातिवाला सुइसुड, “आडा टिकपेतिवाला डे चाला वुड च्यी, तिवाला माग्येक। च्यिलासिसिन कोन्छ्योककी ग्येल्खाप ति दिवा च्यिनदैकी ति यिन। १५ड ख्यिराडला टेइबो सिरिन, सी साड आडा टिकपेतिवी दोके क्यानी कोन्छ्योककी ग्येल्खाप खोरो सेमला मिलिङ वे, ती ति नाम्साड ती नाइला शुक मुथुपी।” १६तमा खोकी आडा टिकपेतिवाला पाइदुर लानी तिवी खला छ्याक ज्याक्नी तिवाला मोलाम नाइसुड।

ख्योकपेजा छ्युकुपु

(मत्ती १६:१६-३०; लूका १८:१८-३०)

१७तेसुर येशू लामला फेपिन कितुप पेला मी मिरा च्यिक छ्योइबाल ग्यकिन खोकी चाला वानी पुमुड सला चुनी टिसुड, “ओ गेकेन टेइबु,

नाम्साड मिशिवु मिजी इयेतुपला डे काड कि गोकिवी?” १८ येशूकी तीला सुड्सुड, “ख्योरो डला च्यिला टेड्बु सिनी सिवी? कोन्छ्योक च्यिक मिसिन सु साड टेड्बु मे। १९ कोन्छ्योककी नङ्गुप कतिवा याड ख्युरुडला छ्या वे। तिवा ति दी यिन, ‘मी मासे, शम्डेन माकी, कुन माकी, जिनोक जोनी पड्बु मातेर, माक्येन, तमा ख्योरो फमाला ताड्देन की।’ ” २० तीकी खोला सिक्यासुड, “गेकेन, दी कतिवा ति तेरी टिकपे नेज्युनी डे ञ्हुङ्गुप यिन।” २१ तमा येशूकी तीला ल्हानी ड्रियङ्ज्ये लानी सुड्सुड, “तरोड साड ख्युरुडला ताम्डे च्यिक इयुङ्मु वे। त गल्नी ख्योरे मुला वोतुप ति तेरी चोनी पेराड्बुतिवाला बिन। तुक क्यासिन ख्युरुडला देवाच्येनकी नोर थोप्किवी। तमा वानी डे तिङ्गला तिङ्ग्यो।” २२ ती ताम्डे थोसिमा तीकी डो ति नकपु गल्नी सेमला पप लानी गाल, च्यिलासिसिन तीकी ति नोर टोड्बा बडी नोक।

२३ तमा येशूकी फार छुर ल्हानी लोमातिवाला सुड्सुड, “मी छ्युकपुतिवाला कोन्छ्योककी ग्येल्खापला शुकुप ति छासे कले गिवी।” २४ ती थोनी लोमातिवा हलेवा क्यासुड। येशूकी तिवाला लोड सुड्सुड, “आडातिवा, कोन्छ्योककी ग्येल्खापला शुकुप ति छासे कले गिवी। २५ मी छ्युकपुला कोन्छ्योककी ग्येल्खापला शुकुप सिनाड सेम्ज्येन

वोड्मुला खपकी मिरु नाङ्गला शुकुप ति जोल्हमु गिवी।” २६ लोमातिवा मड हलेवा लानी, “तुकै यिन्सिन सु ति थर थुप्किवी?” सिनी सिक्यासुड। २७ येशूकी तिवाला ल्हानी सुड्सुड, “दी ति मीकी कि मुथुपी, यिने कोन्छ्योककी कि थुप्किवी। च्यिलासिसिन कोन्छ्योककी कि मुथुपुप ति काड साड मे।”

२८ पत्रुसकी खोला सिक्यासुड, “ल्हो ताड, ड्रियरा याड तेरी क्युर ज्याक्नी गेकेनकी तिङ्गला तिङ्ग्यायिन।” २९ येशूकी सुड्सुड, “ड ख्यिराडला टेड्बो सिरिन, ड ताड लेन ल्यामुकी थोकला खोरो खाड्बा ताड अच्युनुप ताड अज्यीनुम ताड पपाआमा ताड पुज्युडपुम ताड शिड क्युनी ज्योकुप तीला ३० दी मिजीला छेटाड साड ड्येकिवी, यिन्सिनाड तीला दोम्बा खाल च्यिथम्बा खाड्बा ताड अच्युनुप ताड अज्यीनुम ताड पपाआमा ताड पुज्युडपुम ताड शिड थोप्किवी। तमा तिङ्गला वुङ्गुप कल्वाला नाम्साड मिसिवु मिजी थोप्किवी। ३१ यिने गोमाला वोतुपतिवा बडी तिङ्गला गिवी, तमा तिङ्गला वोतुपतिवा बडी गोमाला गिवी।”

येशूकी खो टुङ्गुप कोर्ला येलुड नम्रर शेतुप

(मती २०:१७-१९; लूका १८:३१-३४)

३२ तमा येशू ताड खोकी लोमातिवा यरूशलेम फेप्सालेन्सिन येशू लोमातिवा

सिनाड गोमाला फेपिन नोक। ती पेला लोमातिवा हलेवा क्यासुड, तमा खोकी तिङ्ला तिङ्योकुप मीतिवा ति ज्यिवा क्यासुड। येलुड येशूकी खोरे लोमा च्यिङ्डीतिवाला तिराड कुतुक टि गल्नी त खुरुङ्ला काड ख्येल्वी सिरुप ति तिवाला सुङ्सुड, ३३“ल्होसा, त दाक्पु यरूशलेमला डोयी वे। ते लेप्सिमा मी पुज्युङ्ला कोङ्यार छ्येतिवा ताड यहूदी छ्योकी गेकेनतिवी क्येन तेर्किवी, तमा तिवी तीला सेतुप छ्येर्पा कल्नी यहूदी मिन्दुप मिरिक यम्बातिवी लकला चेक तेकितो। ३४तिवी तीला मर्च्या किवी, छ्यिन्दुर ग्यकिवी, तमा तल्ज्येक ग्यप्नी सकिवी। यिने ड्यिमा सुमकी तिङ्ला ती ति सेन्बु लङ्गिगी।”

याकूब ताड यूहन्नाकी येशूला गोङ्बा शुवु

(मत्ती २०:२०-२८)

३५ती ज्युकला जब्दियाकी पुज्युड याकूब ताड यूहन्ना ति येशूकी चाला वानी, “गेकेन, ड्यिरा गेकेनला काड लङ्सिनाड ती ति ड्यिराङला नङ्शी सिरुप ति ड्यिरा नो वे।” सिनी सिक्यासुड। ३६येशूकी तिवाला टि नाङ्सुड, “डे ख्यिरा थोक्ला काड किशी सिरुप नो किवी?” ३७तिवी खोला सिक्यासुड, “गेकेनला मोवा ड्येतुप पेला ड्यिराड ड्यिवुला च्यिक ति गेकेनकी यावी थाकाला, च्यिक ति

येन्बी थाकाला देतुप ड्येशी।” ३८तमा येशूकी “ख्यिरा काड लोङ्गुप ति ख्यिराङला राड छ्या मे। डे थुङ्गुप दुक्पाकी कोरा नेमा ख्यिरा थुङ्गुप थुङ्गिगी? तमा डे लङ्गुप बप्तिस्मा ख्यिरा लङ्गुप थुङ्गिगी?” सिनी सुङ्सुड। ३९तिवी खोला “कि थुङ्गिगी।” सिनी सिक्यासुड। तमा येशूकी तिवाला सुङ्सुड, “यिन, डे थुङ्गुप कोरा नेमा ख्यिरा थुङ्गिगी, डे लङ्गुप बप्तिस्मा ख्यिरा लङ्गिगी। ४०यिने डे यावी थाका ताड येन्बी थाकाला देतुप ति डे कि ज्यितुप मिन। ती ति कोन्छ्योककी सी थोक्ला टडिक क्यावे, तीला राड देतुप ड्येकिगी।”

४१ती थोनी लोमा च्यिथम्बातिवा याकूब ताड यूहन्नाला ड्यिर्मु क्यासुड। ४२तमा येशूकी लोमातिवाला मुला राड खोरे चाला कताङ्नी सुङ्सुड, “ख्यिराङला छ्या वे, दी जम्बुलिङला ग्येला कितुपतिवी खोरो लुङ्बाकी मीतिवाला ओङ्ज्येन किवी। तमा ग्येल्वी ओङ्ला लाका कितुपतिवी साड मीतिवाला ओङ्ज्येन किवी। ४३यिने ख्यिरा पर्ला ति तुकै कितुप मेङ्गिगी। ख्यिरा पर्ला सु छ्ये डोप नो किवे, तीकी ख्यिराड तेरीकी शब्ज्यी कितुप च्युड गोकिगी। ४४तमा ख्यिरा पर्ला सु गोमाला थेन्दुप नो किवे, तीकी तेरी मीतिवी योक्पु च्युड गोकिगी। ४५च्यिलासिसिन ड मी पुज्युड ति खोरुङ्ला शब्ज्यी लङ्गुपला वावु मिन, यिने मीतिवाला

शब्ज्यी कितुपला वावु यिन। तमा मी मङ्मुला थर ज्यितुपला खोरो मिजी तेरुपला वावु यिन।”

येशूकी बारतिमैला मिक् थोड थुपुप जोवु

(मत्ती २०:२६-३४; लूका १८:३५-४३)

४६ तमा येशू लोमातिवी मुला यरीहो ग्येसाला फेप्सुड। खोतिवा मी मङ्मु ताड मुला ती ग्येसा क्युर ज्याक्नी फेप्सालेन्सिन तिमैकी पुज्युड बारतिमै सिरुप मिक् मोथोङ्गुप ति लामला लोङ्गियन सिरा देन्नोक। ४७ ती बारतिमै तीकी नासरतकी येशू फेपिन नोक सिरुप ति थोनी, “ओ दाऊदकी सेवु येशू, डला ड्यिङ्ज्ये की!” सिनी थोर ग्यप्सुड। ४८ मी मङ्मुकी तीला खरक्पा दे सिनी वोरु तेन्सिनाड तीकी मड ल्हक्पा थोर ग्यप्नी, “ओ, दाऊदकी सेवु येशू, डला ड्यिङ्ज्ये की!” सिनी सिक्कासुड। ४९ येशू फेपिन फेपिन टडी लानी, “तीला छुर कतोड।” सिनी सुङ्सुड। तमा मीतिवी ती मिक् मोथोङ्गुप तीला कताङ्नी सिक्कासुड, “डाडेड कयानी येर लो। खोकी ख्युरुडला कतोङ्गियन नोक।” ५० ती थोसिमा तीकी खोरो खयिटो पिन क्युर्नी खोक लानी खोकी चाला वासुड। ५१ तमा येशूकी तीला टि नाङ्सुड, “ख्योरो थोक्ला डे काड कितुप?” ती मिक् मोथोङ्गुप तीकी खोला “गेकेन, डे मिक् थोड थुपुप डोशी।” सिनी गोङ्बा शुमुड।


५२ येशूकी तीला “ख्युरुड ग्युक। ख्योरो डला तेपा कयावु तप्की ख्योरो मिक् थोड थुपुप गाल्सुड।” सिनी सुङ्सुड। ती पेला राड शाक्येक तीकी मिक् थोड थुपुप गल्नी येशूकी तिङ्गला तिङ्ग्यासुड।

यरूशलेमला येशूला ताङ्देन कयानी गासो शुवु

(मत्ती २१:१-११; लूका १९:२८-४०; यूहन्ना १२:१२-१६)

११ येशू ताड लोमातिवा यरूशलेमला फेपिन कितुप पेला यरूशलेम चाकी जैतुन पम्दोकला वोतुप बेथफागे ताड बेथानिया युलला लेप्सुड। तमा येशूकी खोरो लोमा मिरा ड्यीला दुक् सुङ्नी ताङ्सुड, २ “ख्यिराड ते फो वोतुप युलला ग्युक। ते शुसिमा सी साड माशेन्दुप पुङ्गोक तिवु यी तानी वोतुप ख्यिरा थोङ्गितो। तीला पि ताङ्नी दे दा शोक। ३ दोजो मी ललाइकी ख्यिराडला ‘च्यिला दुक् कयावु यिन?’ सिनी टिसिन ‘दी ति चोवोला गोकिवी। खोकी शाक्येक छुर लोड तोङ्गिगी।’ सिनी ख्यिरा सी।”

४ तमा तिवा गल्नी ल्हासालेन्सिन पुङ्गोक तिवु ति लामकी गारीला वोतुप खाङ्बा यीकी गे चाला तानी वोतुप थोङ्सुड, तमा तिवा तीला पि ताङ्सुड। ५ ती पेला ते लानी वोतुप मीतिवी पर्ला ललाइकी तिवाला “ख्यिरा च्यिला दी पुङ्गोक तिवु



ति पि तङ्गुप यिन?” सिनी टिसुङ।
 ६ तमा लोमातिवी येशूकी खोप्राडला
 सुङ्गुप दोके सिक्कासिमा मीतिवी
 तिवाला पुङ्गोक तिवु ति दानी डो
 च्यिसुङ। ७ लोमातिवी ती पुङ्गोक
 तिवु ति येशूकी चाला टि वानी खोप्रे
 मज्या ती पुङ्गोक खला तिङ्सिमा
 येशू तीकी खला शेन्सुङ। ८ ती पेला मी
 मङ्मी खोप्रे मज्या लामला तिङ्सुङ,
 तमा ललाइकी दिङ्मा नेसुर दोङ्बी
 येल्लातिवा च्येन वानी लामला
 तिङ्सुङ। ९ येशूकी गोमाला डोपतिवा
 ताङ खोकी तिङ्ला तिङ्योकुपतिवी
 दुक सिनी थोर ग्यकिन सिरा
 सिक्कासुङ,

“होसन्ना!”

“चोवो कोन्छ्योककी मिङला
 फेपुप तीला मोलाम थोपुप
 यिनो!”

१० “त वुङ्गुप दाक्पी हङ्गावा
 दाऊदकी ग्येल्खापला
 मोलाम थोपुप यिनो!”

“देवाच्येनकी चोछ्येवु
 कोन्छ्योकला होसन्ना!”

११ तमा येशू यरूशलेमला फेप्नी
 यहूदी ल्हडाङ नाङ्ला शुसुङ, तमा
 खोकी ल्हडाङ नाङ्ला फला छुला
 तेरी ल्हासुङ। यिने नाम ल्होवु छलुप
 तप्की खो लोमा च्यिङ्डी ताङ मुला
 बेथानिया युलला फेप्सुङ।

येशूकी अन्जीरकी दोड्बुला

मोताप तपुप

(मत्ती २१:१८-१९)

१२ती सला तीला येशू ताड खोकी लोमातिवा बेथानिया नेसुर लोकनी फेपुप पेला खोला ल्होवा लानोक।
१३तमा खोकी फेचेक ग्यक्ला लोमा मड्मु वोतुप अन्जीर दोड्बुला थोड्नी तीला डेलु वोते नोनी ती दोड्बी चाला फेप्नी लहासालेन्सिन तीला लोमा मिसिन यम्बा काड साड मिन्दुक।
च्यिलासिसिन ती पेला ति अन्जीर दोड्बुला डेलु गोरुप पेला मालेप्नोक।
१४येशूकी ती दोड्बुला “तफेन्ला ख्युरुड नेसुर डेलु मोगोर्सिता।” सिनी सुड्सुड। खोकी तुक सुड्गुप ति लोमातिवी थोनोक।

येशूकी यहूदी ल्हडाडला चाड्मा

जो नड्गुप

(मत्ती २१:१२-१७; लूका १९:४५-४८;

यूहन्ना २:१३-२२)

१५ती ज्युक्ला खोतिवा यरूशलेमला फेप्सुड। तमा येशू यहूदी ल्हडाडला शुनी ते ल्हडाडकी लेडाड खला छोड कितुप ताड ड्योप्चे ग्यकुप मीतिवा तेरीला पाड्ला तेन ताड्सुड। तमा टड्गा ज्येपतिवी च्योकचीतिवा ताड बुर्केन चोड्गुपतिवी देतुप तेक्पातिवा आलोक ग्यप्सुड। १६लोड खोकी मी सुला साड यहूदी ल्हडाडकी लेडाड ख नेमा छोड कितुप च्यालकतिवा

खुन डोप ताड खुर वुड्गुप कि माच्यी।

१७ती ज्युक्ला खोकी मीतिवाला येन्देन लोपिन सिरा दुक सुड्सुड,

“कोन्छ्योककी सुड्गी नाड्ला

दुक सिनी टि वे,

‘डे खाड्बा ति तेरी मीतिवी

थोक्ला मोपोर कितुप

खाड्बा यिन सिनी सिवी।’

यिने ख्यिरा याड तीला

‘च्याक्पातिवा देतुप फुक’

जोसुड।”

१८ती ताम्डे थोनी कोड्यार छ्येतिवा ताड यहूदी छ्योकी गेकेनतिवी चुक क्यानी खोला सेतुप सिनी च्यु छाल्सुड। तिवा खोला ज्यिवा किनोक, च्यिलासिसिन मी मड्मु खोकी येन्देनला हलेवा क्यासुड।
१९नाम ज्होसिमा खोतिवा ती ग्येसा नेसुर थेन्नी फेप्सुड।

अन्जीरकी दोड्बु नेसुर येन्देन

(मत्ती २१:२०-२२)

२०ती सला टोपला टेताड खोतिवा फेपिन कितुप पेला ती अन्जीरकी दोड्बु ति मार नेज्युन तेरी कम्बुप ति तिवी थोड्सुड। २१तमा येशूकी ती दोड्बुला सुड्गुप ताम्डे ति पत्रुसकी टेन्नी येशूला “गेकेन, ल्हो ताड! दी गेकेनकी मोताप तपुप अन्जीरकी दोड्बु याड शिनोक।” सिनी सिक्कासुड।
२२तमा येशूकी लोमातिवाला सुड्सुड, “कोन्छ्योकला तेपा की।
२३ड ख्यिराडला टेड्बो सिरिन।

दोजो खिरा दी रीला 'ख्युरुड पोक्नी ग्येम्छो नाङ्ला लुम्शी।' सिवी, तमा नाम्दोक माक्यानी खोरो सिक्यावु दोके च्युङ्गिगी सिनी तेपा क्यासिन तुकै राड च्युङ्गिगी। ^{२४}तुक क्यानी ड खिराडला सिरिन, खिरा मोपोर क्यानी काड लङ्सनाड ती ति खिराडला ड्येन वे सिनी तेपा की, तुक क्यासिन ती ति खिराडला थोप्किवी। ^{२५}येलुड खिराड मोपोर कितुप पेला मी ललाइला ड्यिर्मु लान वोतुप ताम्डे वोसिन तीला माफ बिन। तुक क्यासिन देवाच्येनला ज्यु वोतुप खिरा पपा कोन्छ्योककी साड खिरा क्यावु दिक्पातिवाला माफ नङ्गिगी। ^{२६}(यिने मी यम्बाला माफ माबिन्सिन देवाच्येनला ज्यु वोतुप खिरा पपा कोन्छ्योककी साड खिरा क्यावु दिक्पातिवा माफ मनङ्गिगी।)।”[†]

येशूकी ओङ्ज्येनकी कोर्ला टिवु

(मत्ती २१:२३-२७; लूका २०:१-८)

^{२७}येलुड येशू ताड लोमातिवा यरूशलेमला फेप्सुड। येशू यहूदी ल्हडाड नाङ्ला फार छुर युकिन वोतुप पेला कोङ्यार छ्येतिवा ताड यहूदी छ्योकी गेकेनतिवा ताड यहूदी गोमा कितुप छ्येतिवा खोकी चाला वानी, ^{२८}“ख्युरुडला कनी नेसुर ओङ्ज्येन ड्येनी दी लाका कियी वे? दी लाका कितुप ओङ्ज्येन ति सी

ख्युरुडला बिन्सुड?” सिनी टिसुड। ^{२९}तमा येशूकी तिवाला सुङ्सुड, “ड साड खिराडला ताम्डे यी टेयिन, डला टिलेन नाड। तमा डे चुका ओङ्ज्येन नेमा दी लाका कियी वे, ती ति खिराडला सिरिन। ^{३०}यूहन्नाकी बप्तिस्मा तेरुप ओङ्ज्येन ति देवाच्येन नेमा वावु यिनाड की, मी नेमा वावु यिन? डला टिलेन नाड।” ^{३१}ती थोनी तिवा खोपे पर्ला केवुल कियी सिरा “दोजो ‘देवाच्येन नेमा वावु यिन।’ सिक्यासिन ‘खिरा च्यिला तीला तेपा माक्या।’ सिनी सिवी। ^{३२}यिने ‘मी नेमा वावु यिन।’ सिनी चुक क्यानी सिरुप्जा?” सिनी सिक्यासुड। तिवा मी मङ्मुला ज्यिवा लानोक, च्यिलासिसिन तेरी मीतिवी यूहन्नाला कोन्छ्योककी लुङ्तेम्बा यिन सिनी तेन्गिनोक। ^{३३}तुक क्यानी तिवी येशूला “ड्यिराडला याड छ्या राड मे।” सिनी सिक्यासुड। तमा येशूकी तिवाला सुङ्सुड, “तुकै यिन्सिन ड साड सी ओङ्ज्येन नेमा दी लाका कियी वे सिनी खिराडला मिसिर।”

गुन्दुम शिङ्गी पे

(मत्ती २१:३३-४६; लूका २०:९-१६)

१२ येलुड येशूकी तिवाला पे नेसुर दुक सुङ्सुड, “मी मिरा च्यिककी गुन्दुम शिङ्ग जोनी तीकी गारी गुरीला खोर क्यासुड।

११:२६ ती पदकी ताम्डे ति ललङ्ग ग्रीक बाइबलला मे।

तमा गुन्दुम चिरुप समा ज्योकुपला मुक्तुम टुनी गुन्दुम शिङ ज्हेन्दुप मतेन यी जोसुड। ती ज्युकला गुन्दुम शिङ ति पिज्यिङ्बातिवाला तङ ज्याक्नी खोरुङ ति थाकिरिङ्बु मी लुङ्बाला गाल। २ तमा गुन्दुम छोसिमा ती गुन्दुम शिङगी ज्यिन्दाक तीकी खोरुङला थोपुप गुन्दुम लङ्गुपला खोरो लावा यीला पिज्यिङ्बातिवी चाला ताङ्सुड। ३ यिने पिज्यिङ्बातिवी ती लावा तीला जिम दुनी लाक्पा तोङ्बा राङ लोकनी ताङ्सुड। ४ येलुङ ज्यिन्दाककी लावा यम्बा यीला पिज्यिङ्बातिवी चाला ताङ्सुड। तमा तिवी ती लावाकी गोला पोप्नी खक्योवा लङ्नी ताङ्सुड। ५ ती ज्यिन्दाककी येलुङ खोरो लावा यम्बा यीला ताङ्सुड। तमा तिवी तीला ति सेसुड। ज्यिन्दाककी खोरो लावा बडीला ताङ्सिनाङ तिवी ललाइला दुसुड, ललाइला सेसुड। ६ त ज्यिन्दाककी ति खोरो डिङ्ज्येवु पुज्युङ च्यिक तिराङ लुनोक। तमा तीकी 'तिवी डे पुज्युङला याङ ताङ्देन किते यिन्दे।' सिनी तेरी सिनाङ तिङ्ला खोरो पुज्युङला पिज्यिङ्बातिवी चाला ताङ्सुड। ७ यिने पिज्यिङ्बातिवी पुज्युङला थोङ्सिमा खोप्ने नाङ्ला 'दी याङ ज्यिन्दाककी अंश थोप छ्योवु यिन। तीला सेतुप। तुक क्यासिन तीला थोपुप अंश ति दाक्पुला थोप्किवी।' सिनी

सिक्यासुड। ८ तमा तिवी ती पुज्युङला जिम टि गल्नी सेनी गुन्दुम शिङगी फिला क्युसुड। ९ त ती गुन्दुम शिङगी ज्यिन्दाक तीकी काङ किताङ? ती ज्यिन्दाक वानी ती पिज्यिङ्बातिवाला सेकिवी, तमा गुन्दुम शिङ ति यम्बा पिज्यिङ्बातिवाला तोङ्गिगी। १० ख्यिरा कोन्छ्योककी सुङगी नाङ्ला दुक सिनी टिवु ति मारा?

‘खाङ्बा जोपतिवी फेन मोथोवु सिनी क्युर ज्यकुप दो ति खक्छ्येवु सुरकी दो च्युङ्सुड।

११ दी ति चोवो कोन्छ्योककी क्या नङ्गुप लाका यिन, तमा दाक्पी थोङ्दाङला हलेवु वे।’ *

१२ येशूकी ती पे ति खोप्ने तेन्दोकला सुङ्गुप यिन सिरुप हाक्कोनी तिवी येशूला जिम्बुप छाल्सुड। यिने मी मङ्मुला ज्यिवा लानी तिवी खोला क्युर ज्याक्नी गाल्सुड।

से तेतुप कोर्ला टिवा क्यावु

(मती २२:१५-२२; लूका २०:२०-२६)

१३ ती ज्युकला तिवी येशूला ताम्डे गो कोरुपला ललाइ फरिसीतिवा ताङ ग्येल्बु हेरोद छोकपाकी मीतिवाला येशूकी चाला ताङ्सुड। १४ तिवा वानी खोला “गेकेन, गेकेन याङ टेङ्बु वे सिरुप ति डिङ्गिराङला

छ्या वे। गेकेनकी याड मी यम्बी खोरुडला काड सिते सिनी ड्याम मिकिवी। गेकेनकी मी डो लहानी लाका मिकिवी, यिने कोन्छ्योककी लाम टेड्बु क्यानी लोप्किवी। त डियरा रोमी ग्येल्बु कैसरला से तेतुप ति कोन्छ्योककी ठिमला गिवी ताड मेड्गिवी? १५डियरा से ते गोकिवी ताड मोगोवी?” सिनी सिक्क्यासुड। येशूकी तिवी सेम खोनक्पु वोतुप हाक्कोनी तिवाला “ख्यिराड च्यिला डला खोकपा ल्हेवी? डुलकी डप्बु च्यिक दे खुर वानी डला छ्या तेन।” सिनी सुड्सुड। १६तिवी शिकाकी डप्बु च्यिक खुर्नी वासिमा खोकी तिवाला “दीकी लोला वोतुप रिमुड ति सी ति यिन? ती यिकी ति सी ति यिनाड?” सिनी टि नाड्सुड। तिवी “कैसरकी ति यिन।” सिनी सिक्क्यासुड। १७येशूकी तिवाला सुड्सुड, “कैसरकी ति कैसरला ते, तमा कोन्छ्योककी ति कोन्छ्योकला पुल।” खोकी दुक् सुड्गुप थोनी तिवा हलेवा क्यासुड।

कोन्छ्योक ति सेन्बुतिवी कोन्छ्योक यिन

(मत्ती २२:२३-३३; लूका २०:२७-४०)

१८तमा शेष ने सेन्बु मलड्गिवी सिरुप सदुकीतिवा येशूकी चाला वानी दुक् सिनी टिसुड, १९“गेकेन, मोशाकी दाक्पुला टिवु ठिमकी नाड्ला ‘मी

ललाइकी ति अच्यु ति पेजा माच्युड्वा क्यानी शिनी तीकी पेर्मी लुसुड सिंसिन तीकी नुप तीकी छाम तीला लानी खोरो अच्यी थोक्ला गिपा फेल ज्यि गोकिवी।’ सिनी सिक्क्यानोक। २०दासा यीला अच्युनुप पिन दिन नोक। तमा अच्यु छ्ये तीकी पेर्मी लासिमा पेजा माच्युड्वा क्यानी शिसुड। २१तुक राड क्यानी तीकी नुप तीकी छाम तीला लानी ती साड पेजा माच्युड्वा क्यानी शिसुड। लोड तीकी नुप सुम्बा तीकी साड तुक राड क्यानी शिसुड। २२पिन दिन्करला पेजा माच्युड। ती ज्युक्ला ति छाम तिड शिसुड। २३तमा तिवा शेष ने सेन्बु लड्गुप पेला ती पुम्पेजा ति सी पेर्मी च्युड्गिवी? पिन दिन्करकी तीला जेन्दी क्यावु यिन।” २४तमा येशूकी तिवाला सुड्सुड, “ख्यिरा नोरुप यिन, च्यिलासिसिन ख्यिरा कोन्छ्योककी सुड ताड खोकी ओड ति हाक्माकोनोक। २५मीतिवा शेष ने सेन्बु लड्गुप पेला जेन्दी मिकिवी, यिने देवाच्येनकी लेन क्योलुप थुतिवा दोके च्युड्गिवी। २६शेषतिवा सेन्बु लड्गुप कोर्ला मे बरिन वोतुप बुलुक दोड्बी पर नेमा कोन्छ्योककी मोशाला काड सुड्नोक, ती ति मोशाकी टिवु थप नाड्ला ख्यिरा मारा? ती पेला कोन्छ्योककी मोशाला ‘ड ति अब्राहामकी कोन्छ्योक ताड इसहाककी कोन्छ्योक ताड

१२:१५ डुलकी डप्बु च्यिक ति लावा मिरा च्यिककी डियमी ल यिन।

याकूबकी कोन्छ्योक यिन।' सिनी सुइसुड।* २७ कोन्छ्योक ति शेपतिवी कोन्छ्योक मिन, यिने सेन्बुतिवी कोन्छ्योक यिन। ख्यिराड छासे नोनोक।”

तेरी सिनाड क छ्ये

(मत्ती २२:३४-४०; लूका १०:२५-२८)

२८ ती पेला यहूदी छ्योकी गेकेन यी वानी येशूला सदुकीतिवी मुला केवुल कियी वोतुप थोनोक। येशूकी सदुकीतिवाला टिलेन ल्यामु नङ्गुप थोनी तीकी खोला टिसुड, “गेकेन, कोन्छ्योककी कतिवी नाड्ला तेरी सिनाड क छ्ये ति चुका ति यिन?” २९ तमा येशूकी तीला सुइसुड, “तेरी सिनाड क छ्ये ति दी राड यिन। ‘ओ इस्राएलकी मीतिवा, इयेना। दाक्पी चोवो कोन्छ्योक ति च्यिक राड वोतुप चोवो यिन। ३० ख्योरो तेरी सेमगी दिड ने, ख्योरो तेरी मिजी ने, ख्योरो तेरी नासाम ने, ख्योरो तेरी डार ने रडगी चोवो कोन्छ्योकला डियङ्ज्ये की।’* ३१ तमा क डियवा ति दी राड यिन। ‘ख्योरो युल्वाला रडला दोके डियङ्ज्ये की।’ दी सिनाड यम्बा क छ्ये ति मे।”* ३२ ती थोनी ती यहूदी छ्योकी गेकेन तीकी येशूला सिक्यासुड, “गेकेनकी टेके सुइसुड। कोन्छ्योक च्यिक राड वे, खो मिसिन

यम्बा सु साड मे। ३३ खोला रडगी तेरी सेमगी दिड ने, रडगी तेरी रिक्पा ने, रडगी तेरी डार ने डियङ्ज्ये कितुप ताड खोरो युल्वाला रडला दोके डियङ्ज्ये कितुप ति सेम्येन ज्हेनी जिन्बा तोङ्गुप ताड यम्बा जिन्बा तोङ्गुप सिनाड मड खक्छ्येवु यिन।” ३४ तीकी सिक्यावु रिक्पा वोतुप ताम्डे थोनी येशूकी तीला “ख्युरुड ति कोन्छ्योककी ग्येल्खापला शुक्तु छ्येनोक।” सिनी सुइसुड। तमा ती ज्युक्ला सी साड खोला टिवा टेपला डाडेड माक्या।

ख्रीष्ट सी गिपा यिन?

(मत्ती २२:४१-४६; २३:१-३६;

लूका २०:४१-४७)

३५ तमा येशूकी यहूदी ल्हडाडला येन्देन लोपिन कितुप पेला खोकी दुक सुइसुड, “च्यिला यहूदी छ्योकी गेकेनतिवी ख्रीष्ट ति दाऊदकी गिपा यिन सिनी सिवी? ३६ दाऊदकी कोन्छ्योककी थु चाङ्मा नेमा ख्रीष्टकी कोर्ला दुक सिक्यासुड, ‘कोन्छ्योककी डे चोवोला, ‘डे ख्योरो डतिवाला ख्योरे काड्बी वोक्ला मालेपा सेक्ला ख्युरुड ति डे यावी थाकाला देता।” सिनी सुइसुड।’*

३७ दाऊदकी ख्रीष्टला खोरो चोवो सिनी सिसिन चुक कयानी ख्रीष्ट ति दाऊदकी गिपा च्युङ्गिगवी?” मी मङ्मुकी खोकी सुङ ति गा कयानी ड्येन्सुङ। ३८ येलुङ येशूकी येन्देन लोपिन सिरा दुक सुङ्सुङ, “यहूदी छ्योकी गेकेनतिवा नेसुर च्याङ्से दे। तिवा छ्योवा रिङ्बु कोन्नी फार छुर युकुप गा किवी, हाला मीतिवी खोरुडला छ्याक पुलुप ति गा किवी। ३९ तमा यहूदी छ्योखाडला टाल जिम्बुप ताङ डेनला टला देतुप गा किवी। ४० तिवा पेर्मी युक्सिमकी नोर ठोनी सेवी, मीतिवाला छ्या देन्दुपला मोपोर रिङ्बु किवी। तुक कितुपतिवाला ति मङ छ्येर्पा ल्हक्पा फोकिवी।”

पेर्मी युक्सिमकी बुल्वा

(लूका २१:१-४)

४१ येशू यहूदी ल्हडाङकी बुल्वा बुलुप गामकी फेचेक चा नेसुर मीतिवी बुल्वा लुकुप ति ल्हानी ज्युसुङ। ते मी छ्युकपुतिवा बडीकी टङ्गा बडी लुकसुङ। ४२ ती पेला पेर्मी युक्सिम पेराङ्बु यी वानी सा डेवा ड्यी लुकसुङ। ४३ तमा येशूकी लोमातिवाला चाला कताङ्नी सुङ्सुङ, “ड ख्यिराडला टेङ्बो सिरिन, बुल्वा बुलुपतिवी पर्ला दी पेर्मी युक्सिम तीकी यम्बा सिनाङ मङ लुकसुङ। ४४ च्यिलासिसिन यम्बातिवा तेरीकी नोर मङ्मु वोतुप नेसुर लुकसुङ, यिने

दी पेर्मी युक्सिम तीकी याङ पेराङ्बु राङ वोसिनाङ खोरो मुला चो वोतुप ति तेरी टङ्गा लुकसुङ।”

येशूकी यहूदी ल्हडाङ ना डोप कोर्ला सुङ्गुप

(मत्ती २४:१-२४; लूका २१:५-१९)

१३ येशू यहूदी ल्हडाङ नेसुर पाङ्ला थेनिन वोतुप पेला खोकी लोमातिवी पर्ला मिरा च्यिककी खोला “ल्हो ताङ, गेकेन! चुका दो ग्येर्पुतिवा! चुका खाङ्बा ग्येर्पुतिवा!” सिनी सिक्क्यासुङ। २ तमा येशूकी तीला सुङ्सुङ, “ख्योरो दी खाङ्बा ग्येर्पुतिवा थोङ्गिनोक? देकी दो च्यिक साङ यम्बी खला मालुवा कयानी दिवा तेरी ज्होम्गिवा।”

३ तमा येशू यहूदी ल्हडाङकी फर्केन वोतुप जैतुन पम्दोकला ज्यु वोतुप पेला पत्रुस ताङ याकूब ताङ यूहन्ना ताङ अन्द्रियासकी खोला खरक्पा सोक सिरा टिसुङ, ४ “गेकेन, गेकेनकी गोमाला सुङ्गुप ती ताम्डेतिवा नम पेला च्युङ्गिगवी ड्यिराडला सुङ्नी। येलुङ दी ताम्डेतिवा च्युङ्गुप छलुप पेला चुका ततिवा च्युङ्गिगवी?” ५ तमा येशूकी तिवाला सुङ्सुङ, “च्याङ्से दे! सी साङ ख्यिराडला मुलुशी। ६ मी बडी डे मिडला वानी ‘ड ख्रीष्ट यिन।’ सिनी मी बडीला लुकितो। ७ ख्यिरा मक ग्यकिन वोतुप ताङ मक ग्यकुप ताम्डे थोकिवी, यिने ती पेला ख्यिराङ ज्यिवा माकी। दी ताम्डेतिवा

याड च्युड राड गोकिवी, यिने ती ति तरोड साड जम्बुलिङ ना डोप तुजे ति मिन। ८मिरिक मिरिककी तेन्दोकला, लुङ्बा लुङ्बाकी तेन्दोकला मक ग्यकितो। तमा दासा दासाला सयी ग्यकुप ताड डियमा मर्वु शर्कितो। दिवा ति दुक्पाकी थल्मा तिराड यिन।

९तुक क्यानी ख्यिराड त वुङ्गुप दुक्पी थोकला च्याङ्से क्यानी दे। मीतिवी ख्यिराडला ठिम्खाडला चेक तेकितो, तमा यहूदी छयोखाडला ख्यिराडला दुङ्गितो। ख्यिरा डला तेपा क्यावु तप्की ठिम कितुप मी छ्येतिवा ताड ग्येल्बुतिवी दोङ्गला लानी डे थोकला पङ्बु तेर्कितो। १०यिने दी सिनाड गोमाला तेरी मिरिककी मीतिवाला लेन ल्यामु ति ख्याप्टाक कि गोकितो। ११तमा मीतिवी ख्यिराडला टिनी चेक तेतुप पेला ख्यिरा काड सि गोकिवी सिनी गोमाला के पप माकी। ती पेला कोन्छ्योककी थु चाङ्माकी ख्यिराडला काड लाप्किवे, ती राड सी। च्यिलासिसिन ताम्डे कितुप ति ख्यिराड मिन, कोन्छ्योककी थु चाङ्माकी राड यिन। १२ती पेला अच्युनुपकी खोरो अच्युनुपला सेतुपला चेक तेकितो, तमा पपी खोरो पेजाला तुक राड कितो। पेजातिवी पपाआमी तेन्दोकला लानी तिवाला सेतुपला चेक तेकितो। १३तमा ख्यिरा डला तेपा क्यावु तप्की मी तेरीकी ख्यिराडला ड्यिङ्मर कितो।

यिन्सिनाड तिङ्गला सेक डेकला देतुपतिवाला ति थर्वा ड्येकितो।”

ज्यिवा लङ्गुप छेटाङकी तुजे

(मती २४:१५-२८; लूका २१:२०-२४)

१४“तमा ना तोङ्गुप क्युकटो लङ्गुप च्यालक ति वुड मेङ्गुप दासाला लानी वोतुप ति ख्यिरा थोङ्गिगी। (लोपुप तीकी दीकी तेन्दोक हाक्कोशी) तमा ती पेला यहूदियाला वोतुपतिवा री नेवा टो डोशी। १५खाङ्बी खाते खला वोतुपतिवा मर मपप्शी, याङ्ना काड च्यालक साड थेन्दुपला खाङ्बी नाङ्गला मुशुक्शी। १६तमा शिङ खला वोतुपतिवा खोरो मज्या लङ्गुपला खाङ्बा मोलोकशी। १७ती पेला जु च्येन्दी वोतुप पुम्पेजातिवा ताड आडाला नुम तेरुप आमातिवाला मड कले ख्येल्गिगी। १८तुका छेटाङ ति गुन्बी लला मेख्येल्ली सिनी मोपोर की। १९च्यिलासिसिन ती डियमाला छासे छेटाङ ग्येर्पु ख्येल्गिगी, दुका छेटाङ ति कोन्छ्योककी जम्बुलिङ ज्येङ्गुप थल्मा नेज्युन तन्दा सेक नाम्साड माच्युड वे, ज्युकथमाला साड मेङ्गिगी। २०कोन्छ्योककी ती तुजेतिवा ड्युङ्मु माजोवु यिन्सिन सु साड सेन्बु मुलुवी। यिने खोकी खोरे राड पेतुपतिवी थोकला ती डियमातिवा ड्युङ्मु जो वे। २१ती पेला सी ख्यिराडला ‘ल्हो ताड, ख्रीष्ट याड दे वे।’ याङ्ना ‘ल्हो ताड, खो याड ते वे।’ सिक्यासिनाड ती ताम्डेला तेपा

माकी। ^{२२}तुका ख्रीष्ट जुमातिवा ताड लुङ्तेम्बा मेटेङ्बुतिवा वुङ्गिगी, तमा तिवी ततिवा ताड हलेवु लाकातिवा छ्या तेन्नी अछ्योता सेक कोन्छ्योककी पेतुपतिवाला लुतुप छोल्गिगी। ^{२३}तुक क्यानी ख्यिराड च्याङ्से देता। ड ती तेरी ताम्डेतिवा गोमाला के ख्यिराडला सिरिन वे।”

येशू येलुङ फेक्किवी

(मत्ती २३:२६-३१; लूका २१:२५-२८)

^{२४}“ती छेटाडकी तिङ्गला डियमा नक्तोमी डिबी, तमा उलाकी वो मेतेर्वी। ^{२५}कर्मातिवा नाम नेसुर लुम्गिगी, तमा नामला वोतुप डारतिवा योकिवी। ^{२६}ती पेला मीतिवी ड मी पुज्युडला ओङ ग्येर्पु ताड मोवा थोप्नी नामगी मुक्पी खला वुङ्गुप थोङ्गिगी। ^{२७}तमा ड मी पुज्युडकी देवाच्येनकी लेन क्योलुप थुतिवा ताङ्नी जम्बुलिङ तेरी दासाकी छो ज्यी नेसुर डे पेतुपतिवाला जोम ज्यिकिगी।”

अन्जीरकी दोङ्बु नेसुर लोप

(मत्ती २४:३२-३५; लूका २१:२६-३३)

^{२८}“त अन्जीरकी दोङ्बु नेसुर ताम्डे च्यिक लोप। तीकी येल्लातिवा च्योक च्योक गल्नी ती नेमा ज्योक थेन्सिन त याड येर्वु थेन्दुप छाल्नोक सिनी ख्यिरा हाक्कोकिवी। ^{२९}ती दोके दिवा तेरी ताम्डेतिवा च्युङ्गुप थोङ्गिसन ड मी पुज्युड छासे चिप्ला राड लेप्नी वे

सिरुप ति ख्यिरा हाक्कोवा की। ^{३०}ड ख्यिराडला टेङ्बो सिरिन, ती तेरी ताम्डेतिवा माच्युङ्वा सेक्ला दी गिपा ना मोडोवी। ^{३१}स ताड नाम ति तोर्नी डिबी, यिने डे सिक्कावु ताम्डेतिवा ति नाम्साड तोर्नी मोडोवी।”

ती डियमा ताड तुजे सुला साड छ्या मे

(मत्ती २४:३६-४४; लूका १२:३८, ४०)

^{३२}“यिने ती डियमा ताड तुजे ति नम गिते सिनी सुला साड छ्या मे। देवाच्येनकी लेन क्योलुप थुतिवाला साड छ्या मे, पुज्युडला साड छ्या मे, ती ति पपाला तिराड छ्या वे। ^{३३}चेर्मु क्यानी च्याङ्से देता। च्यिलासिसिन ती तुजे ति नम गिगी सिनी ख्यिराडला छ्या मे। ^{३४}दी ताम्डे ति मी मिरा च्यिककी खोरो लावातिवाला दाक दाक्पी कि गोवु लाका चेक तेनी खाङ्बा ज्हेन्दुप तीला ति चेर्मु क्यानी ल्हटे की सिनी खुरुड ति मी लुङ्बा गलुप दोके यिन। ^{३५}तुक क्यानी ख्यिराड चेर्मु क्यानी दे। च्यिलासिसिन खाङ्बी ज्यिन्दाक ति नम पेला लोकनी गिते, गोमु, याङ्ना नुप फेकाला, याङ्ना च्यवु कुकुरी देन्दुप पेला, याङ्ना टोपला टेताड गिते ख्यिराडला छ्या मे। ^{३६}तमा ज्यिन्दाक शाक्येक वानी ख्यिराड ड्यिलोकनी वोतुप मेठेशी। ^{३७}डे ख्यिराडला सिक्कावु दी ताम्डे ति मी तेरीला सिरुप ताम्डे यिन। ख्यिराड चेर्मु क्यानी देता।”

येशूला सेतुप च्यु छलुप

(मत्ती २६:१-५; लूका २२:१-२;

यूहन्ना ११:४५-५३)

१४ तमा यहूदी थरुप तुछ्येन ताड खमीर मालुकुप शुब्ज्याड साप तुछ्येन वुङ्गुपला डियमा डयी लुनी नोक। ती पेला कोड्यार छ्येतिवा ताड यहूदी छ्योकी गेकेनतिवी चुक क्यानी येशूला जिम्नी सेतुप सिनी खोप्रे नाडला च्यु ल्हयी नोक। ^२यिने तिवी “ती तुछ्येनला ति तुक माकी, मिसियाड मीतिवा हराड हरुड किवी।” सिनी सिक्यासुड।

पुम्पेजा यीकी येशूकी गोला टी जड्बु खाप नुम पुवु

(मत्ती २६:६-१३; यूहन्ना १२:१-८)

^३तमा येशू बेथानिया युलला सिमोन सिरुप जे ग्यपुप मी यीकी खाड्बाला फेप्सुड। खो ते सोल शेयी वोतुप पेला पुम्पेजा यीकी सिङ्गमरमरकी बोक्तल यी नाडला गोड कुर्मु नावु टी जड्बु खाप नुम खुर्नी वासुड। ती जे मेतुप नुम ति जटामसी सिरुप दोड्बु नेसुर जोवु नोक। तमा तीकी बोक्तल च्याक्नी ती टी जड्बु खाप नुम ति येशूकी गोला पुसुड। ^४ती थोङ्नी ते वोतुप मी ललाइ डियर्मु लानी च्यिककी च्यिकला “च्यिला दी टी जड्बु खाप नुम ति ना तङ्गुप यिनाड? ^५दी ति डुलकी डप्बु सयी सुम सिनाड ल्हक्पा क्यानी चोनी पेराड्बुतिवाला तेर थुप्किवी।” सिनी

सिक्यासुड। तमा तिवी ती पुम्पेजा तीला छासे वोरु तेन्सुड। ^६यिने येशूकी सुङ्सुड, “तीला क्युर्नी ज्योक, तीला वोरु मादेन। ख्यिराड च्यिला तीला दुक्पा तेर्किवी? दी पुम्पेजी याड डे थोक्ला लाका ल्यामु राड क्या वे। ^७पेराड्बुतिवा याड ख्यिरा मुला नरी लुकिवी। तुक क्यानी नम पेला ख्यिरा नो लङ्गिगे, ती पेला राड तिवाला दाल्जा कि थुप्किवी। यिने ड याड नरी ख्यिरा मुला मुलुवी। ^८दी पुम्पेजा तीकी याड खोरो काड कि थुपुप ति क्यावु यिन। तीकी डे जुला टी जड्बु खाप नुम पुनी डे फुङ्बु कल्दोक कितुपकी थोक्ला टडिक क्यावु यिन। ^९ड ख्यिराडला टेङ्बो सिरिन। जम्बुलिङकी चुका दासाला साड लेन ल्यामु ख्याप्टाक किवे, ते दी पुम्पेजा तीकी क्यावु लाका साड लाप्नी तीला टेन्गिवी।”

यहूदाकी येशूला जिम्बुपला टडिक क्यावु

(मत्ती २६:१४-१६; लूका २२:३-६)

^{१०}तमा येशूकी लोमा च्यिङ्डी नाड ने यहूदा इस्करियोत सिरुप लोमा ति कोड्यार छ्येतिवी चाला गल्नी येशूला जिम तेरुप सिनी ताम्डे क्यासुड। ^{११}दी ताम्डे थोनी कोड्यार छ्येतिवा छासे गा क्यानी यहूदाला टङ्गा तेरुप सिनी थाक्छ्येसुड। तमा यहूदा तीकी येशूला जिम तेरुप च्यु ल्हानी देसुड।

येशूकी लोमातिवी मुला तिङ्मी डेन शेवु

(मत्ती २६:१७-३०; लूका २२:७-२३;


यूहन्ना १३:२१-३०;

१ कोरिन्थी ११:२३-२५)

१२ती ज्युक्ला खमीर मालुकुप शुब्ज्याड साप तुछ्येन वासुड। ती तुछ्येनकी डियमा थल्माला यहूदी थरुप तुछ्येनकी थोकला मीतिवी लुक रुक सेनी जिन्बा तोडिगनोक। ती पेला येशूकी लोमातिवी खोला “गेकेन, डियराड कनी गल्नी गेकेनकी थोकला यहूदी थरुप तुछ्येनकी डेन टडिक कितुप गेकेनकी नो वे?” सिनी टिसुड। १३तमा खोकी लोमा मिरा ड्यीला दुक सुडनी ताड्सुड, “ख्यिराड ग्येसाला ग्युक। तमा ते ख्यिरा दिङ्गर नाङ्गला छ्यु खुरुप ख्योकपेजा यी ठेकिवी। तीला तिङ्ग्यानी ग्युक। १४ती मी ति चुका खाङ्बी नाङ्गला शुकिवे, ती खाङ्बी ज्यिन्दाकला गल्नी ‘डियरा गेकेनकी ड ताड डे लोमातिवा यहूदी थरुप तुछ्येनकी डेन साप जे ति कनी वे सिनी टि नाङ्सुड।’ सिनी सी। १५तमा तीकी ख्यिराडला येर तेला टडिक क्या वोतुप जे ग्येपु यी छ्या देन्गिवी। ते राड दाक्पी थोकला डेन टडिक की।” १६लोमातिवा तेसुर ग्येसाला गल्नी लहासालेन्सिन खोकी सुङ्गुप दोके तेरी ठेसुड। तमा तिवी ते राड यहूदी थरुप तुछ्येनकी डेन टडिक क्यासुड।

१७ती गोमु येशू लोमा च्यिङ्डी ताड मुला ती खाङ्बाला फेप्सुड। १८तमा खोतिवा ज्युनी डेन शेयी वोतुप पेला येशूकी तिवाला सुङ्सुड, “ड ख्यिराडला टेड्बो सिरिन, ड ताड मुला डेन सापतिवी पर्ला मिरा च्यिककी डला जिम तेर्किवी।” १९ती थोनी तिवी सेमला पप लानी रे रेकी खोला “गेकेन, ती ति ड यिन?” सिनी सिक्क्यासुड। २०तमा खोकी तिवाला सुङ्सुड, “ख्यिराड च्यिङ्डी पर्ला मिरा च्यिककी ड ताड मुला कोरी नाङ्गला शुब्ज्याड पानी सयी वे, ती राड यिन। २१ड मी पुज्युड ति खोरो कोर्ला कोन्छ्योककी सुड नाङ्गला टिवु दोके क्यानी डिवी, यिने मी पुज्युडला जिम तेरुप तीला ति मोताप सुकिवी। ती याड माक्येवु राड यिन्सिन तीकी थोकला ल्यामु वुङ्गुज्जा।”

२२तमा खोतिवा शेयी वोतुप पेला येशूकी शुब्ज्याड लानी कोन्छ्योकला थुचिछे पुलिसमा च्याक्नी लोमातिवाला तेरिन सिरा “लोसा, दी ति डे जु यिन।” सिनी सुङ्सुड। २३ती ज्युक्ला खोकी कोरा लानी कोन्छ्योकला थुचिछे पुलिसमा तिवाला नाङ्सुड। तमा तिवा तेरीकी ती कोरा नेमा थुसुड। २४येशूकी तिवाला सुङ्सुड, “दी ति मी बडीकी थोकला देन्दुप कोन्छ्योककी थाक्छ्येन नङ्गुप डे ठक यिन। २५ड ख्यिराडला टेड्बो सिरिन, ड कोन्छ्योककी ग्येल्खापला सम्बा



क्यानी माथुवा सेक्ला ड येलुड गुन्दुम
दोङ्बी डेलु नेमा जोवु ति मुथुड।”
२६ती ज्युकला खोतिवा कोन्छ्योकला
सोवा देकुप लु च्यिक लानी जैतुन
पम्दोक नेवा फेप्सुड।

**पत्रुसकी खोरुडला डो मेशेवी सिनी
येशूकी सुङ्गुप**

(मती २६:३१-३५; लूका २२:३१-३४;
यूहन्ना १३:३६-३८)

२७ती पेला येशूकी तिवाला
सुङ्सुड, “ख्यिराड तेरीकी डला क्युर
ज्याक्नी टोनी डिवी। च्यिलासिसिन
कोन्छ्योककी सुड नाङ्ला दुक सिनी
टि वे,

‘ड लुक गोठालाला सेतिन।

तमा लुकतिवा थरा थुरा डिवी।’*

२८यिने ड शेष ने सेन्बु लासिमा
ख्यिराड सिनाड गोमाला के गालीलला
डोयिनो।” २९तमा पत्रुसकी येशूला
“तेरीकी गेकेनला क्युर्नी ज्याक्सिनाड

ड याड नाम्साड क्युर्नी मोज्योक।”
सिनी सिक्कासुड। ३०येशूकी तीला
सुङ्सुड, “ड ख्युरुडला टेङ्बो
सिरिन, हारिड नुपला च्यवु कुकुरी
थेङ्मा ड्यी देन्दुप सिनाड गोमाला
ख्योरो डला थेङ्मा सुम डो मेशेवी
सिनी सिवी।” ३१यिने पत्रुसकी मड
कार क्यानी, “ड गेकेन ताड मुला शि
राड गोसिनाड गेकेनला डो मेशेवी
सिनी मिसिर।” सिनी सिक्कासुड।
तमा यम्बा लोमातिवी साड तुकै राड
सिक्कासुड।

**येशूकी गेतसमनी दुम्डोकला
मोपोर क्यावु**

(मती २६:३६-४६; लूका २२:३९-४६)

३२ती ज्युकला येशू लोमातिवा ताड
मुला गेतसमनी सिरुप दुम्डोकला
फेप्सुड। ते लेप्सिमा खोकी
लोमातिवाला “ड मोपोर कितुप सेक
ख्यिराड दे राड दे।” सिनी सुङ्सुड।
३३तमा खोकी लोमातिवी नाड ने
पत्रुस ताड याकूब ताड यूहन्नाला
खोरो मुला राड टिनी फेप्सुड। ती
पेला खोकी सेम छासे सेम्दुक लानी
छप्छुपा कितुप छाल्सुड। ३४खोकी
तिवाला सुङ्सुड, “डे सेम छासे सेम्दुक
लानी शेष दोके छ्याता छियता गल
वे। ख्यिराड ड्यिमालोका क्यानी
दे राड देता।” ३५तमा खो ति चेयी
फेचेक फेप्नी सला खवतुङ्मा ज्युनी

च्युड थुप्सिन दी छेटाडकी तुजे ति खो नेसुर दोशी सिनी मोपोर क्या नाइसुड। ^{३६}लोड खोकी सुडसुड, “पपा, ओ डे पपा, पपी तेरी कि थुप्किवी। दी छेटाडकी कोरा ति ड नेसुर दोनी नाड। यिन्सिनाड डे नोवाला मिन, पपी नोवा दोके राड च्युडशी।” ^{३७}तमा येशू लोमा सुमकी चाला लोकनी फेप्सालेन्सिन तिवा डियलोड राड वोतुप थोडसुड। खोकी पत्रुसला सुडसुड, “सिमोन, ख्युरुड डियलोकनी राड वे? ख्युरुड छ्युजी च्यिक साड डियमालोका क्यानी दे मुथुप्नोक? ^{३८}ख्यिराड खोक्पा ल्हापला मेख्येलुपला डियमालोका क्यानी मोपोर की। सेमला ति कितुप नो वे, यिन्सिनाड जुकी अला कि मुथुपी।”

^{३९}येलुड येशू फार फेप्नी गोमी दोके क्यानी मोपोर क्या नाइसुड। ^{४०}लोड छुर फेप्सालेन्सिन तिवा डियलोकनी राड नोक, च्यिलासिसिन तिवा छासे ड्यी जिनी मिक साड बे मुथुप्नोक। तमा तिवी खोला काड सिरुप काड सिरुप गाल्सुड। ^{४१}येशू थेड्मा सुम्बाला मोपोर क्यानी छुर फेप्सिमा तिवाला सुडसुड, “ख्यिराड तरोड साड डियलोकनी राड देकिवी? त याड ग्यावा, तुजे लेम वे। ल्होसा, ड मी पुज्युड दिक्छेनतिवी लकला चेक तेतुप छल वे। ^{४२}त याड ख्यिराड लो, दाक्पु डोप! डला जिम तेरुप ति चाला राड वा वे।”

येशूला जिम्बुप

(मत्ती २६:४७-५६; लूका २२:४७-५३;

यूहन्ना १८:३-१२)

^{४३}येशूकी तुक सुडियन वोतुप पेला लोमा च्यिड्डी नाड ने यहूदा सिरुप लोमा ति ते लेसुड। ती पेला कोङ्यार छ्येतिवा ताड यहूदी छ्योकी गेकेनतिवा ताड यहूदी गोमा कितुप मी छ्येतिवी तङ्गुप मीतिवा खुर्पा ताड लकाम खुर्नी यहूदा ताड मुला ते लेसुड। ^{४४}तमा येशूला जिम तेरुप यहूदा तीकी येशूला जिम वावु मीतिवाला दुक सिक्यानोक “सुला डे पुका किवे, ती राड येशू यिन। तीला जिम्नी टि ग्युक।” ^{४५}तमा यहूदा ति येशूकी चिप्ला गल्नी, “टसी देलेक, गेकेन!” सिनी खोला पुका क्यासुड। ^{४६}तोजो पेला राड तिवी येशूला जिम्सुड। ^{४७}ते चाला लान देतुप मीतिवी पर ने मिरा च्यिककी खुर्पा थेन्नी तेरी सिनाड कोङ्यार छ्येकी लावाकी नम्ज्योक ति टेप च्येसुड। ^{४८}तमा येशूकी तिवाला सुडसुड, “ख्यिराड च्याक्पा जिम्बुप दोके क्यानी खुर्पा ताड लकाम खुर्नी डला जिम्बुपला वावु? ^{४९}ड डियमी टेड यहूदी ल्हडाडला ख्यिरा मुला देनी मीतिवाला लाप्सिनाड ख्यिरा डला माजिम। यिने कोन्छ्योककी सुडला टिवु ति तेरी छेवुला दुकै च्युङ्गुप यिन।” ^{५०}तमा लोमातिवा तेरीकी येशूला क्युर ज्याक्नी टोनी गाल।

५१ ती पेला खोरो जुला रा क्येड्मा यी तिराड टिलुप ख्योकपेजा नाज्युड यी येशूकी तिङ्ला तिङ्यासुड। तमा तिवी तीला जिम्सुड। ५२ यिने ती ति खोरो टिलुप रा क्येड्मा ति क्युर ज्याक्नी पेतुङ्बा राड टोनी गाल।

येशूला यहूदी छोकपाकी छ्येतिवी चाला टि गलुप

(मत्ती २६:५७-६८;

लूका २२:५४-५५, ६३-७१;

यूहन्ना १८:१३-१४, १६-२४)

५३ तमा तिवी येशूला जिम्नी तेरी सिनाड कोङ्यार छ्येकी चाला टिनी गाल्सुड। ते कोङ्यार छ्येतिवा ताड यहूदी गोमा कितुप मी छ्येतिवा ताड यहूदी छ्येकी गेकेनतिवा तेरी जोम्नोक। ५४ पत्रुस ति फेचेक नेसुर येशूकी तिङ्ला तिङ्यानी तेरी सिनाड कोङ्यार छ्येकी खाङ्बी लेडाड नाङ्ला शुनी खाङ्बा ज्हेन्दुपतिवी मुला मे देयिन देनोक।

५५ कोङ्यार छ्येतिवा ताड यहूदी छोकपाकी मी छ्येतिवी खोला सेतुप क्येन तेरुप पङ्बु छलिसनाड काड पङ्बु माङ्ये। ५६ मी बडीकी येशूकी तेन्दोकला जिनोक जोनी पङ्बु बिन्सुड, यिन्सिनाड तिवी पङ्बु ति माडिक। ५७ तमा मी ललाइकी येशूकी तेन्दोकला जिनोक जोनी दुक सिनी पङ्बु बिन्सुड, ५८ “दीकी ‘ड दी मीकी जोवु ल्हडाड ति ज्हेम्नी मीकी माजोवु ल्हडाड यम्बा ति डियमा

सुमकी नाङ्ला राड जोयी।’ सिनी सिक्कावु ति डियरा थोसुड।” ५९ यिने तिवी बिन्दुप पङ्बु साड माडिक। ६० तमा तेरी सिनाड कोङ्यार छ्ये ति तेरी मीतिवी पर्ला लानी येशूला “तिवी ख्योरो तेन्दोकला बिन्दुप पङ्बुकी कोर्ला ख्योरो मुला काड साड टिलेन मे?” सिनी टिसुड। ६१ यिने येशू खरकपा ज्युनी काड टिलेन मासुड। लोड तेरी सिनाड कोङ्यार छ्येकी खोला टिसुड, “वुतुड के ख्युरुड टेङ्बु वोतुप कोन्छ्योककी सेवु ख्रीष्ट राड यिन?” ६२ येशूकी सुङ्सुड, “यिन, ती ति ड राड यिन। मी पुज्युड चोछ्ये वोतुप कोन्छ्योककी यावी थाकाला देतुप ताड देवाच्येन नेमा मुक्पी ख नेमा वुङ्गुप ति ख्यिरा थोङ्गितो।” ६३ ती ताम्डे थोसिमा तेरी सिनाड कोङ्यार छ्ये तीकी खोरो मज्या ज्होलिन सिरा सिक्कासुड, “त डियराडला यम्बा पङ्बु च्यिला गोसुड? ६४ तीकी कोन्छ्योकला मारे तङ्गुप ताम्डे ति ख्यिरा थोसुड। ख्यिरा नासामला चुकै वे?” तमा तिवा तेरीकी खोला सेतुप छ्येर्पा तेर राड गोकिवी सिनी च्यार ग्यप्सुड। ६५ तिवी पर्ला ललाइकी येशूला छियन्दुर ग्यप्सुड, तमा खोकी शाल उप्नी बेपिन सिरा “त ख्युरुडला बेपुप ति सु यिन नम्रर शे!” सिनी सिक्कासुड। तमा ती खाङ्बा ज्हेन्दुपतिवी साड खोला पोप्सुड।

पत्रुसकी येशूला डो मेशेवी सिक्कावु

(मत्ती २६:६६-७५; लूका २२:५६-६२;
यूहन्ना १८:१५-१८, २५-२७)

६६ तोजो पेला पत्रुस मला लेडाड खला देनी नोक। तमा ती पेला तेरी सिनाड कोड्यार छयेकी लावाम यी वानी ६७ पत्रुस मे देयी वोतुप थोडिसमा तीला ल्यामो कयान ल्हानी सिक्कासुड, “ख्युरुड साड नासरतकी मी येशू ताड मुला वोतुप मिन रो?” ६८ यिने पत्रुसकी “मिन, ख्योरे सिक्कावु ति डला हाक राड माको।” सिनी सिक्कासुड। ती ज्युक्ला ती ति पाडगी गे चा नेवा गाल। ६९ ती पेला येलुड ती लावाम तीकी पत्रुसला थोड्नी ते लानी वोतुपतिवाला “दी मी ति तिवी परकी मिरा च्यिक यिन।” सिनी सिक्कासुड। ७० यिने पत्रुसकी लोड “ड मिन।” सिनी सिक्कासुड। चेयी ज्युक्ला ते लानी देतुप मीतिवी लोड पत्रुसला “वुतुड के ख्युरुड ति तिवी परकी मिरा च्यिक यिन, च्यिलासिसिन ख्युरुड गालीलकी मी यिन।” सिनी सिक्कासुड। ७१ येलुड पत्रुसकी न क्यल्नी, “डे जिनोक जोवु यिन्सिन डे खला पचर्या ख्येल्शी। ख्योरो सिक्कावु मी तीला डे डो राड मेशेवी।” सिनी सिक्कासुड। ७२ ती पेला राड शाक्येक च्यवु कुकुरी थेड्मा डियवा तेन्सुड। तमा पत्रुसला “च्यवु कुकुरी थेड्मा ड्यी देन्दुप सिनाड गोमाला के ख्योरो डला थेड्मा सुम डो

मेशेवी सिवी।” सिनी येशूकी सुड्गुप ताम्डे ति टेन्नी कशेन डुसुड।

येशूला पिलातसकी दोड्गला टि गलुप

(मत्ती २७:१-२, ११-२६; लूका २३:१-५,
१३-२५; यूहन्ना १८:२८-१९:१६)

१५ ती सला टोपला टेताड कोड्यार छयेतिवा ताड यहूदी गोमा कितुप छयेतिवा ताड यहूदी छयोकी गेकेनतिवी यहूदी छोकपाकी मी छयेतिवी मुला जोम्नी केवुल कयासुड। तमा तिवी येशूला कोड किन्नी टि गल्नी रोमी ठिम कितुप मी छये पिलातसला चेक तेसुड। २ पिलातसकी येशूला “ख्युरुड यहूदीतिवी ग्येल्वु यिन?” सिनी टिसुड। तमा येशूकी “यिन, ख्योरे सिक्कावु दोके यिन।” सिनी सुड्सुड। ३ कोड्यार छयेतिवी खोला कयेन बडी ग्यप्सुड। ४ तुक कयानी लोड पिलातसकी खोला “काड ख्युरुडला च्यिक साड टिलेन मे? ल्हो ताड, तिवी ख्युरुडला चुका कयेन मड्मु ग्यकिनोक।” सिनी सिक्कासुड। ५ यिने येशूकी काड साड टिलेन मासुड, तुक कयानी पिलातस हलेवा कयासुड।

६ यहूदी थरुप तुछ्येनला चोन्खाड नाड्गला शोरुपतिवी पर नेमा मीतिवी पेतुप मिरा च्यिकला पिलातसकी पि तोड ज्यितुप लुकसु नोक। ७ ती पेला बरब्बा सिरुप मी ति लुड्बाकी तेन्दोकला लानी मी सेतुप दुक्टातिवी

मुला चोन्खाडला शोर्नोक। ८मी मड्मु पिलातसकी चाला वानी, “ले टेड दोके क्यानी तलिड साड मी यी चोन्खाड नेमा पि तोड।” सिनी गोड्बा शुसुड। ९तमा पिलातसकी तिवाला “खिरा यहूदीतिवी ग्येल्बु सिरुप तीला ड पि तोड्गुप ति खिरा नो किवी?” सिनी सिक्यासुड। १०कोड्यार छ्येतिवी ठतोक लानी येशू ति खोरुडला चेक तेतुप यिन सिनी पिलातसला छ्या नोक। ११यिने कोड्यार छ्येतिवी मी मड्मुला चेन्नी बोरु बरब्बाला पि तोड सिनी सि च्यिसुड। १२पिलातसकी लोड तिवाला टिसुड, “तुकै यिन्सिन खिरा यहूदी ग्येल्बु सिरुप तीला ड काड कितुप?” १३तमा तिवा थोर ग्यप्नी, “तीला ग्यडिशडला कल्नी काँडी दाप्नी से!” सिनी सिक्यासुड। १४पिलातसकी टिसुड, “दीकी काड लाका मेलोवा क्या वे?” यिने तिवी मड च्यार ग्यप्नी, “तीला ग्यडिशडला कल्नी काँडी दाप्नी से!” सिनी सिक्यासुड। १५पिलातसकी मी माड्छ्योकला गा लोड्गुपला बरब्बाला ति पि ताड्नी येशूला ति पाड्शर ताडिसमा ग्यडिशडला कल्नी काँडी दाप्नी सेतुपला चेक तेसुड।

रोमी मक्मीतिवी येशूला ड्यप्च्ये क्यावु

(मत्ती २७:२७-३१; यूहन्ना १८:२-३)

१६ती ज्युकला रोमी मक्मीतिवी येशूला रोमी ठिम कितुप मी छ्ये

देतुप खाड्बी लेडाडला टि गाल्सुड, तमा यम्बा मक्मीतिवा तेरीला कताड्नी ते जोम च्यिसुड। १७तिवी येशूला छो मुक्पुकी छ्योवा यी कोन बिन्नी छेर्माड वोतुप येल्ला कुक्नी ग्येल्बी उशाक दोके जोनी खोकी गोला कोन बिन्सुड। १८तमा तिवी खोला “यहूदीतिवी ग्येल्बुला छ्याक छलो!” सिनी सिक्यासुड। १९लोड तिवी ड्युड्मा थवोनी खोकी गोला बेपिन सिरा छियन्दुर ग्यप्सुड। तमा पुमुड सला चुनी खोला शावा क्यासुड। २०खोला तुक क्यानी मारे ताड सिन्सिमा छो मुक्पुकी छ्योवा ति पिनी खोकी नुम्बुप नम्सा ति येलुड कोन बिन्सुड। ती ज्युकला खोला ग्यडिशड लोला ग्येलुपला टि गाल।

येशूला ग्यडिशड लोला कलुप

(मत्ती २७:३२-४४; लूका २३:२६-४३;

यूहन्ना १८:१७-२७)

२१तमा मक्मीतिवी येशूला टिनी डोयी कितुप पेला सिमोन सिरुप छियग्यपकी कुरेनी ग्येसाकी मी यी ती लामला वुडियन कितुप ठेसुड। ती ति अलेक्जेन्डर ताड रुफसकी पपा यिनोक। मक्मीतिवी येशूला कल्नी सेतुप ग्यडिशड ति तीला कार क्यानी खुर च्यिसुड। २२तमा तिवी येशूला गलगथा सिरुप दासाला क्याल्सुड। (ती गलगथाकी तेन्दोक ति ‘कप्लीकी दासा’ सिक्यावु यिन।)

२३तिवी खोला मुर् जहेवु गुन्दुम छयाड बिन्सिनाड खोकी माशे। २४ती ज्युक्ला तिवी खोला ग्यङ्गिशड लोला कल्नी काँडी दाप्नी काल्सुड। तमा तिवी खोकी नम्सा ति सुला थोप्किवे सिनी ग्येन ग्यप्नी गोसुड। २५येशूला ग्यङ्गिशड लोला ग्येलुप पेला टोपकी छ्युजी गु गल्नोक। २६तमा ग्यङ्गिशड लोला खोला क्येन ग्यपुप यिकी ति “यहूदीतिवी ग्येल्वु यिन।” सिनी टिनी ज्याक्नोक। २७तिवी येशूला ग्यङ्गिशडला काँडी दाप्नी ग्येलुप पेला च्याक्पा मिरा ड्यी साड च्यिक ति खोकी यावी थाकाला ताड च्यिक ति खोकी येन्बी थाकाला ग्यङ्गिशडला काँडी दाप्नी काल्सुड। २८(तुक क्यावु ति कोन्छ्योककी सुङगी नाङ्ला “खो ति मी दुक्टातिवी पर्ला मिरा च्यिक दोके चिसुड।” सिनी टिवु ति तेरी छेवुला यिन।)† २९ते ग्यङ्गिशडकी लाम नेवा फार छुर युकुप मीतिवी गो युकिन सिरा येशूला मारे ताङ्नी, “ओ ल्हडाड जह्मनी ड्यिमा सुमला जोयी सिरुप मी, ३०त खोरुडला राड ज्होकनी ग्यङ्गिशड लो नेमा मर पाम शोक ताड।” सिनी सिक्क्यासुड। ३१तुक राड क्यानी कोङ्यार छ्येतिवा ताड यहूदी छ्योकी गेकेनतिवी साड खोला मारे तोङ्गिन सिरा “दीकी मी यम्बाला ति ज्होकसुड, यिने खोरुडला

ति ज्होक माथुप। ३२ओ इस्राएलकी ग्येल्वु ख्रीष्ट! त ख्युरुड ग्यङ्गिशड लो नेमा पाप्नी शोक। तमा ड्यिराड ल्हानी तेपा कितुप्जा!” सिनी सिक्क्यासुड। खोकी मुला ग्यङ्गिशड लोला कलुपतिवी साड खोला मारे ताङ्सुड।

येशू टुङ्गुप

(मत्ती २७:४५-५६; लूका २३:४४-४६;

यूहन्ना १९:२८-३०)

३३तमा ड्यिमी गुडगी छ्युजी च्यिङ्डीला लुङ्बा तेरीला नक्तोमी गल्नी छ्युजी सुम सेक लुसुड। ३४छ्युजी सुमला येशूकी थोर ग्यप्नी, “इलोई, इलोई, लामा सबखथनी?” सिनी सुङ्सुड। दीकी तेन्दोक ति “ओ डे कोन्छ्योक, ओ डे कोन्छ्योक, डला च्यिला क्युर्नी ज्यकुप यिन?” सिनी सिक्क्यावु यिन। ३५खोकी तुक सिनी वोरु तेन्दुप थोनी ते लानी देतुप मी ललाइ ललाइकी “ड्येन ताड, दीकी याड एलियाला के कतोङ्गिनोक।” सिनी सिक्क्यासुड। ३६तमा मिरा च्यिक ति छ्योङ्बाल ग्यम गल्नी ल्हेन्दा गुन्दुम छयाड क्युर्वुला पासिमा ती ति लकाम गोला ज्याक्नी येशूकी खला ज्योकिन सिरा “गुसा, काड एलिया वानी दीला ग्यङ्गिशड लो नेमा बेप्किते ल्हाप।” सिनी सिक्क्यासुड। ३७तमा येशू वोरु थोर ग्यप्नी टुङ्सुड।

१५:२८ ती पदकी ताम्डे ति ललङ्ग्री बाइबलला मे।

३८ ती पेला यहूदी लहडाड नाइला ग्यावु गोयोल ति गो नेमा ज्युनी शाप सेक फेका ड्यी गल्नी राल्सुड। ३९ येशू तुकै कयानी टुङ्गुप थोङ्नी येशूला कलुप ग्यडिशडकी दोइला लानी देतुप रोमी मक्मी सयी च्यिककी खकी छ्ये तीकी “दी मी ति वुतुड के कोन्छ्योककी सेवु राड यिनोक।” सिनी सिक्कासुड।

४० ते ललाइ पुम्पेजातिवी साड थाकिरड्बु नेसुर लहयी नोक। तिवी पर्ला मरियम मगदलिनी ताड याकूब टिकपे ताड योसेफकी आमा मरियम ताड सलोमी साड नोक। ४१ तिवी येशू गालीलला ज्युवु पेला खोकी तिङ्गला तिङ्ग्यानी खोला शब्ज्यी कयावु पुम्पेजातिवा यिनोक। तमा ते येशूकी मुला यरूशलेमला वावु यम्बा पुम्पेजातिवा साड बडी नोक।

येशूकी फुङ्बुला कल्दोक कयावु

(मत्ती २७:५७-६१; लूका २३:५०-५६;

यूहन्ना १९:३८-४२)

४२ ती छेर्मु ति टडिक कितुप डासोप डियमाकी गोमी डियमा नोक। तमा नाम ल्होसिमा अरिमाथिया ग्येसाकी योसेफ तीकी डाडेड कयानी पिलातसकी चाला गल्नी येशूकी फुङ्बु ति लाइसुड। ४३ दी योसेफ ति यहूदी छोकपाकी मी छ्येतिवी पर्ला मिरा च्यिक नोक। तमा ती ति कोन्छ्योककी ग्येल्खाप वुङ्गुप ति गुनी देनोक। ४४ येशू टुड सिन्सुड

सिरुप थोनी पिलातस हलेवा कयासुड। तमा तीकी रोमी मक्मी सयी च्यिककी खकी छ्ये तीला कताङ्नी, “येशू वुतुड के टुड सिन्सुड?” सिनी टिसुड। ४५ तमा तीकी खो वुतुड के टुङ्गुप यिन सिनी सिक्कासिमा पिलातसकी योसेफला येशूकी फुङ्बु खुर्नी डो च्यिसुड। ४६ तमा योसेफकी रा नेडेन ड्यो वानी येशूकी फुङ्बु ति ग्यडिशड लो नेमा पाप्नी ती राकी नाइला टिल्सुड। तमा दो पुङ्नी जोवु शेप मीला ज्योकुप टककी फुककी नाइला ज्याक्सुड। ती ज्युकला दो ग्येर्पु यी रिल वानी ती टककी फुककी खला च्येनी ज्याक्सुड। ४७ मरियम मगदलिनी ताड योसेफकी आमा मरियमकी येशूकी फुङ्बु कनी ज्योकिनोक सिनी लहानी देनोक।

येशू टुङ्नी डोसु लावु

(मत्ती २८:१-८; लूका २४:१-१२;

यूहन्ना २०:१-१०)

१६ डासोप डियमा सिन्सिमा ती गोमु मरियम मगदलिनी ताड याकूबकी आमा मरियम ताड सलोमीकी येशूकी फुङ्बुला कुतुपला टि जङ्बु खाप नुम ड्योसुड। २ तमा ती सला तीला दिन्जाकी डियमा थल्माला टोपला टेताड डियमा शरुप पेला तिवा शेप मीला ज्योकुप टककी फुककी चाला गाल्सुड। ३ डोप पेला तिवी “ती फुककी खला च्येतुप दो ति सी दोनी तर्किवी?” सिनी च्यिककी च्यिकला

सिक्यासुड। ४यिने तिवा ते टककी फुकला लेप्नी येर ल्हासालेन्सिन ती दो ति गोमाला के रिल्ली तङ्गुप थोङ्सुड। ५तिवा ती टककी फुककी नाङ्गला शुनी ल्हासालेन्सिन ते मज्या कर्मु कोन्दुप मी नाज्युड यी ति यावी थाकाला देन वोतुप थोङ्नी तिवा छासे ज्यिवा क्यासुड। ६तमा ती मी नाज्युड तीकी तिवाला सिक्यासुड, “ज्यिवा माकी। ख्यिराड ग्यङ्गिङला कल्नी टुङ्गुप नासरतकी येशूला छोलिन नोक। खो डोसु लासुड, खो दे मे। खोकी फुङ्बु ज्यकुप दासाला ल्हो। ७त ख्यिराड गल्नी खोकी लोमातिवा ताड पत्रुसला ‘खो ख्यिराड सिनाड गोमाला गालीलला फेक्किवी। खोकी गोमाला ख्यिराडला सुङ्गुप दोके ते ख्यिरा खोला थोङ्गिगी।’ सिनी लोप।” ८तमा तिवा छासे ज्यिवा क्यानी ज्हुकिन सिरा ती टककी फुक नेसुर थेन्नी टोन गाल। तिवा छासे ज्यिवा लावु तप्की ती ताम्डे ति सुला साड मालाप।

येशू लोमातिवी चिप्ला छ्यरुप

(मत्ती २८:९-२०; लूका २४:१३-५३;

यूहन्ना २०:११-२३;

लोमा छ्येतिवी लाका १:४-११)

९येशू दिन्जाकी ड्यिम थल्माला टेताड टुङ्गुप ने डोसु लासिमा तेरी सिनाड गोमाला मरियम मग्दलिनीला छ्यार्सुड। ती मरियम नेमा गोमाला येशूकी ज्हेन्डी दिन तेन्नोक। १०तमा

ती ति येशूकी तिङ्गला तिङ्गुपुप मीतिवी चाला गल्नी ती ताम्डे ति लाप्सुड। ती पेला तिवा सेम्दुक क्यानी ड्यी नोक। ११तिवी येशू डोसु लावु ताड मरियमकी खोला थोङ्गुप ताम्डे थोसिनाड ती ताम्डेला तेपा माक्या।

१२ती ज्युकला लोमा मिरा ड्यी युल नेवा डोसालेन्सिन येशू मिच्यिक्पा क्यानी तिवी चिप्ला छ्यार्सुड। १३तेसुर तिवा यम्बा लोमातिवी चाला लोकनी गल्नी ती ताम्डे ति लाप्सुड। यिन्सिनाड लोमातिवी ती ताम्डे साड तेपा माक्या।

१४ती ज्युकला लोमा च्युच्यिकतिवा समा सयी वोतुप पेला येशू तिवी चिप्ला छ्यार्सुड, तमा तिवी सेम क्योङ्बु क्यानी खो डोसु लासिमा खोला थोङ्गुपतिवी ताम्डेला तेपा माक्यावु तप्की तिवाला वोरु तेन्सुड।

१५येशूकी तिवाला सुङ्सुड, “ख्यिराड जम्बुलिङ तेरीला गल्नी मी तेरीला लेन ल्यामु ति ख्याप्टाक की। १६सी तेपा क्यानी बप्तिस्मा लङ्गिगे, तिवा दिक्पा ने थर्वा ड्येकिवी। यिने सी तेपा मिकिवे, तीला पच्यार् फोकिवी। १७तमा तेपा कितुपतिवी मुला दी ततिवा वुङ्गिगी। ती ततिवा ति दिवा यिन। तिवी डे मिङला ज्हेन्डीतिवा शोर्किवी, ग्येताम कुतुक लप्किवी, १८रुलतिवा जिम्गिगी, तुक सोसिनाड काड साड मेलोवा मोडोवी, नेर्पुतिवाला लाक्पा ज्याक्सिन तिवा टेकिवी।”

येशू देवाच्येनला फेपुप

१६ चोवो येशूकी तिवाला तोजोयी सुडिसमा खो देवाच्येन ने तेक्नी फेप्सुड, तमा कोन्छ्योककी यावी थाकाला ज्युसुड। २० ती ज्युक्ला

लोमातिवा तेरी दासाला गल्नी लेन ल्यामु ख्याप्टाक क्यासुड। चोवो तिवी मुला ज्युनी लाका क्या नाड्सुड, तमा तिवी क्यावु हलेवु ततिवा नेसुर खोकी सुङ्गुप सुड ति टेङ्बु वे सिरुप ति हाक्को च्यिसुड। आमिन।

